

ՈՎՉՄԻԿ ԴԱՎՈՅՑԱՆ - 80

ՍՈՒՐԵՆ ԱԲՐԱՀԱՄՅԱՆ

ՈՎՉՄԻԿ ԴԱՎՈՅՑԱՆԻ ՊՈԵԶԻԱՆ. ԴԱՍԱԿԱՆ ԾՐՁԱՆԻ ԱՎԱՐՏԻ ԵՎ ՆՈՐԻ ՄԻԶԵՎ*

Ուզմիկ Դավոյշանի պոեզիայի ըննության հարցը հնարավոր է նախորդ՝ 1950-60-ականների և նոր՝ 60-ականներին հրապարակ եկած բանաստեղծական սերնդի պոեզիայի ըննության, պոետիկայի պատմական վերլուծության և ստրուկտուրայի մեկնաբանության համադրության միջոցով։ Հարցադրումը ներառում է ինչպես Դավոյշանի պոեզիայի աշխարհընկալման համակարգի ձևափորման, պատմական ընթացքի, այնպես էլ պոետիկայի և ստրուկտուրայի ամբողջության ընկալման միջոցով, որն, անշուշտ, ելակետային նշանակություն ունի մեկնաբանության համար։ Ինչո՞ւ։ Որովհետև ձևավորման ընթացքի պատմական ընթացքը ունի բանավիճային հիմք, որ տևել է տասնամյակներ, արտահայտվել և՝ Դավոյշանի, և՝ 60-ականների սերնդի պոեզիայում, որոշ գծերով մեկնաբանվել և առ ըննադատության պրոցեսում։ Ուստի, անդրադառնալով Դավոյշանի պոեզիայի դերի և տեղորոշման մասին, նախորդ շրջանի ըննադատությունը 80-ականներին ձևավորել է երկու տեսանկյուն։ առաջինը կարծում է, որ «Դավոյշանը կանգնած է գրական այն սահմանագծի վրա, որի մի կողմում բանաստեղծական ավագանին է, իսկ մյուս կողմում՝ իր սերնդակիցներն ու ավելի կրտսերները»։¹ Բայց, սրանով հանդերձ, բանաստեղծը, յինելով երկու սերունդների հետ, իբրև բանաստեղծական անհատականություն, միայնակ է։² Երկրորդ տեսանկյունը, որ հիմք է ընդունում Դավոյշանի բանաստեղծական խառնվածքի հաստատությունը, ոճի հավատարմությունը «արդեն ճանաչվածի սահմաններում», «շարունակում է մեր պոեզիայի ուղին առանց ընդհատման, առանց այնպիսի կտրուկ շրջադարձների, որ կարող է տեսողությունից չքացնել անցած ճանապար-

*Հոդվածն ընդունված է տպագրության 27.03.2020 թ.։

¹ Գասպարյան Դավիթ, ժամանակ և շարժում, Երևան, 1984, էջ 289։

² Նույնը, էջ 289։

ՍՈՒՐԵՆ ԱՐՄԱՆՅԱՆ

հը»:¹ Բայց, միաժամանակ, հավելում է վերլուծողը, Դավոյանը ունի որոշ անխուսափելի ընդհանրություններ ժամանակակիցների հետ, սակայն չի նույնանում ո՞չ նրանց, ո՞չ ել ավագների (50-ականների) սերնդի հետ և «պոեզիայի զարգացման մի փուլից մյուսին անցումը Ռ. Դավոյանի պոեզիայում կատարվում է գուցե ոչ անարյուն, բայց օրինաչափ և խաղաղ»², կամ, ինչպես ասում է, բանաստեղծը օրգանապես, ժողովածովից ժողովածով, շարունակում է ինքը իրեն՝ արտաքրություն մնալով «նոյն կեղևի մեջ», որը բնորոշ չէ Վարուժանին և Զարենցին, բայց բնորոշ է, օրինակ, Սիամանթոյին, Սահյանին:³

Ընդհանուրը և հակասականը, որ ի հայտ է գալիս առաջինում, այն է, երբ ասվում է «սահմանագիծ» տերվինը, որն ինքնին բաժանարար սահման է, ինչպես որ նույնն է սահմանը «միայնակ» ասելու դեպքում: Երկրորդ տեսանկյունն է թեև ընդգծում է բանաստեղծի ոճի, խառնվածքի և աշխարհայացքի միասնությունը, այնուամենայնիվ, հարցադրության անտեսում է գրապատմական ընթացքի այլ օրինաչափություն, որ արտահայտվում է 60-ականների գրական ճգնաժամի, այսպես կոչված ժխտման եվլոյուցիայի գաղափարը, որը տևեց տասնամյակներ մեր գրականության մեջ՝ ձևավորելով այնպիսի շրջապտույտ, ինչը բազմաձայն է դարձնում և ընկալիում է այդպես 50-60-ականների (Պ. Սևակ, Գ. Էմին, Հ. Սահյան, Վ. Դավթյան) և նորերի՝ 60-ականների պոեզիայի միաժամանակյա ներկայությունը: Դավոյանի պոեզիան, ահա, շրջապտույտի այս առանցքում, գրապատմական ձևավորման իր հունն է կերտում, ստանձնում իր գեղագիտական պատահանատվությունը: Հետևաբար, բաժանարար գիծ ունի և՝ նախորդների, և՝ 60-ականների գեղագիտական ըմբռնություններից, որը հնարավոր է վերլուծել գրապատմական ընթացքի մեկնարանության, շարժման և ուղղությունների ըմբռնման տեսանկյունից:

Ինչ խոսք, գրապատմական ընթացքը, սկսած նախորդ դարի 50-ականների կետերից, մի միտուա ուներ. հաղթահարել հետշարենցյան շրջանի ճգնաժամը մեր գրականության մեջ և ինել միայն այն մակարդակի վրա, որ Պ. Սևակն էր պահանջում համաշխարհայինի:⁴ Ուստի դարակեսի և 60-ականների պոեզիայի բնորոշ գի-

1 Ժենյա Քալանթարյան, Անդրադարձներ, Երևան, 2003, էջ 95:

2 Նույնը, էջ 95:

3 Նույնը, էջ 94:

4 Պ. Սևակ, Երկեր, հ. 3, Երևան, 1983, էջ 195:

ծը, ինչպես Գ. Եմինն է ասում, շղթայագերծումն է:¹ Այսինքն՝ շարժման ընթացքի բազմաձայնության կուտակումը, որ նոր ճգնաժամի հիմքում ձևավորում է գեղագիտական ըմբռնումների լայն հոլու, միվանց ժխտող և միվանց հավելող նշանակություն ունի, որն արտահայտվում է գրապատմական ընթացքի և ձևավորման տարրեր փոկերում, տևում մինչև 20-րդ դարավերջ և նոր դարի սկիզբը: Վհայս այս առանցքում Դավոյանի առեգիայի ինքնության հարցադրումը, երբ շարժումն ընկալում է ետաղարձ, ավանդներին հավատարիմ լինելու կապով, Պ. Սևակի առաջադրած սիմֆոնիզմի գաղափարի հետ ունի այնպիսի «սմանության տարրերություններ», որ, կարելի է ասել, բանաստեղծականի ընկալումը Պ. Սևակի առեգիայի համեմատ ոչ թե սոսկ երգային է, որովհետև հաճախ Դավոյանը երգը բանաստեղծություն է անվանում, այլ՝ պարզապես **մեղեդային**, որ նույնն է, թե Ներքին ասունան չունի: Ուստի մեղեդին և երգը ձուլված են, երգը տարրալուծված է մեղեդու հայելում... Բայց սա Ներքին այնպիսի ընդհանընություն է, որ իր շարունակությամբ ոչ միայն ժխտում է սևակյան շրջանի սիմֆոնիզմը, այլև, հավանականորեն բարդ այլ պոետական մի շրջան է ստեղծում, թեև մշակութային մի ամբողջ շրջան ավարտվում է նրանով: Եվ, կարելի է եզրակացնել, Ո. Դավոյանի առեգիան մի ամբողջ պատմաշրջանի ավարտի, անցման և նորի ձևավորման առանցքում է, որ, եզրափակելով դասական ըմբռնումների մի ամբողջ շրջան, ինչը ձևավորվել էր 50-ականների կեսերից և 60-ականներին մեր առեգիայում, նրա ամբողջացումն է ազդարարում մինչև նախորդ դարավերջի գրապատմական գարգացման փուլը:

20-րդ դարասկզբին նոյն շրջապտույտը արտահայտվեց Տերյանի ի հայտ գալով, որ պոետիկայի և աշխարհըմբռնման նոր տեսանկյունը ձևավորեց, որով սակայն ավարտվիմ էր և ամբողջանում նոր գրականության շրջանը 20-րդ դարասկզբին, ինչը ընորոշ է նաև Դավոյանի առեգիային 20-րդ դարի երկրորդ կեսում: Պատմական գուգահեռը, անշուշտ, պատահական չի ասվում: Եվ ահա թե ինչու...

Բարեբահայտաբար ավարտի շրջանի բանաստեղծը՝ Տերյանը, մեծ էր պատմականորեն և նրա հայացքն ընդգրկում էր գրական գալիքը: Գալիքի երազանքը սակայն իիմսված չէր անհող իրականության վրա, այլև նախ և առաջ ախտորոշում էր «կրիզիսը», որը համընդգրկում էր և արտահայտվում էր մշակույթի, կրթության և դպրոցի, աշխարհայեցության և լեզվի ոլորտներում: Տերյանը

¹ Գ. Եմին, Երկեր, հ. 3, Երևան, 1986, էջ 616:

ահա ինչու կոչ եր անում դուրս գալ «ազգային կճեպից», «ընդգրկել լայն հորիզոններ» և, «ընդունելով եվրոպական կուլտուրան», նրա «ձևերն ու բովանդակությունը», ստեղծել «այդ նոր ձևերին ու բովանդակությանը համապատասխան լեզու»¹: Հետևաբար, պոեզիայի հայրենիքը լեզուն է, որ խարսխված է ժողովորի հոգևոր կենսափորձի, ազգային ճակատագրի և կեցության գաղափարի վրա: Ուստի գոյաբանական նախահիմքի կրողն է լեզուն, կեցության օրինը (Հայդեգգեր), որ կարելի է անվանել հոգևոր հայրենիք նաև: Ահա սա եր Տերյանից ածանցվող գաղափարը, որ Դավիյանի պոեզիայում, սկսած 60-ականներից, խարիսխ է որոնում բանաստեղծը, որովհետև կորցրած հայրենիքի տեսիքը, կորուստը և ողբը, նախ և առաջ պոեզիայի կորուստ է, որի հետքերով, ինչպես մեժելայտիսյան մի Արգոնավորդ (այսպես անվանեց Դավիյանին նաև Ս. Աղաբարյանը դեռ 70-ականներին), անգամ «դարեր հետո շարունակում է ոսկեգեղովի որոնումը»:² Ուստի, կարելի է ասել, Դավիյանը որոնում է կորուստը երգի, հայրենիքը նրա, նախահիմքը, որի խարիսխը, ինչպես ասացինք, լեզուն է: Հետևաբար լեզուն, երգը և աշխարհը պոեզիայի նախահիմքն է, պոեզիայի սուբստանցիոնալ միասնության որոնման ուղին, որ փորձում է վերապետել Ո. Դավիյանը՝ առաջին ժողովածուն անվանելով «Իմ աշխարհը» (1963): Աշխարհին ահա, այսպիսով, բանաստեղծի հոգևոր հայրենիքի՝ պոեզիայի անվանումն է, որի միասնական ընկալումը իշխում էր 60-ականներին Պ. Սևակի և իր սերնդակիցների պոեզիայում: Պոեզիայի գաղափարը, հետևաբար, հետշարենցյան շրջանում շաղկապված էր հայրենիքի գաղափարի հետ և խորիրդանշում էր հետեղեռյան վերածննդի, գոյության արմատների հառնելու, նորովի ապրելու գաղափարը: Ուստի պոեզիան հայրենիք էր նախ և առաջ, ուր ապաստան էր փնտրում բանաստեղծը, վերապրում նրա ճակատագիրը որպես բանաստեղծի ճակատագիր:

Ո. Դավիյանի վերապրումն է համարժեք է նախորդների ընկալումներին: Աշխարհը և երգը սակայն, որ ունեին հակասություններ վերսից (Երկնքից) ներքև, ներքևից վերև, աշխարհը ճանաչելու և երգը նվաճելու ներքին որոնումներում ի հայտ են բերում ստվերներ, աշխարհի ամբողջականությունը խաթարող ընկալումներ, որի անցման առաջին փուզը «Իմ աշխարհը» (1963) ժողովածուից

1 Կահան Տերյան, Երկեր, հ. 2, Երևան, 1961, էջ 280:

2 Սուլեն Աղաբարյան, Խ դարի հայ գրականության գուգահեռականներում, Երևան, 1984, էջ 381:

«Ստվերների միջով» (1967) ժողովածուն է: Պառակտումը սակայն, որ արտահայտվիմ է պոետիկայի, աշխարհայեցուքայն և լեզվի ոլորտում, Դավոյանի պոեզիայում ամբողջանում է արդեն «Ռեզվիւմ» (1969) պոեմիմ, ուր մեղեդին և երգը հանդես են գալիս բազմաձայնության ներքին կապով: Իսկ բանաստեղծական ամբողջացումը, որ երգի որոնման ուղին է վերևսից ներքև, Դավոյանը արտահայտում է «Մեղրահաց» (1973), «Կեղևու բաց արա» (1973) ժողովածուներում, ամբողջացնելով ստեղծագործական առաջին շրջանը, որ ոչ միայն միագիծ չէ, այլև ճանապարհի որոնման, մարառման և ներքին տարրներեցումների ուժի է: Պատահական չէ երկի, որ ընսադատներից մեկը, ավելի ուշ (1982-ին), «իր նամակում», անդրադարձալով Դավոյանի ստեղծագործության այս շրջանին, ասում է, թե նրա բանաստեղծական մուտքը երկար է տևել, ընսադատությունը ուշ է ընդունել նրա տաղանդը, բացել նրա կեղևը, չճանաչելով սակայն նրա պոեզիայի ընթերքը, գրադպէլ է հոգու աշխարհագրությամբ, և, մասնկական հրճվանքով, հայելու փոքրիկ բեկորի օգնությամբ, արևի շողերի մի փունջ ասես շեղելով՝ ինչպես հարևանի տան պատուհանին են այդպես ուղղում արևի ճառագայթները, «սրտատրովի այնտեղ ինչ-որ բան վնասություն»:¹

Ընսադատությունն, անշուշտ, «ճառագայթային ախտով վարակված» լուարադը չէ, ոչ էլ նամակագիրը (որըան էլ անկեղծ հրճվի), ինչը եղել է Դավոյանի բանաստեղծական ճանապարհին: Վստ տաղերգումների մի բանակ, որ հրճվանքով ասում եր՝ օվաննա, որին հետևում էր բայց-ով ավարտվող թթուվախոսության անդեմ կրիկնչը... Բայց մեր ասելիքը դրա մեջ չէ, այլ մեկնաբանության հանգույցների ծևակվորման, որ, ինչպես վերը նշեցինք, անցման ներքին փուլեր ունի, որ, շարժման հումով, թանձն ստվերներ է հայտնաբերում ճանապարհին, կրասակում փորձառություն, որ երգի ուղին՝ ձայնի թանձրությամբ, փոխակերպում է մեղեդու...

Բանաստեղծը ահա ինչու, որոնելով իր աշխարհը, անցնում է «ստվերների միջով», որ անտեսանելին ճանաչելու ձգողականություն ունի, շաղկապում է իրեն հողին, հայրենիքին և նրա ճակատագրին, մարդուն, նրա գոյության նախահիմքին: Այսպիսին է բանաստեղծի ծնունդը, որ «Ես ծնվել եմ» բանաստեղծության մեջ անտսանելի թելերով շաղկապում է բանաստեղծին կյանքին, հավատին մարդու, դավանանքին ու խոսքին: «Ես ծնվել եմ»: Պիտի շռայլորեն

¹ Կազգեն Մսացականյան, Իմ ժամանակակիցները, Երևան, 1989, էջ 231-232:

ապրեմ... «Իմ Հավատք»¹, - սա է ահա բանաստեղծի կոչումը, Երկրի բախտով ապրելու դավանակի ճշմարտությունը, որ «Ստվերների միջով» պոեմում ժամանակի և ինքնության հարցադրում է անում «ի՞նչ է ժամանակը // և ո՞վ եմ ես»,² իսկ «Ոտից գլուխ» պոեմում բանաստեղծի եսը, հայրենիքի պատմականության, ճակատագրի ու բնավորության միասնության խորքում է փնտրում ինքնամուտեցման, աշխարհը ճանաչելու ուղին: Երկիրը սրբալոյս նշխար է, Հայաստանը՝ «սրտի չափ մի տեղ», որ բանաստեղծի «արձանն է կերտել աշխարհի բոլոր ճամփեցում»:³ Ինքնամուտեցման ճանապարհը ահա ինչու հայրենիքի խորիրդապատկերների միջով է ընկալում Դավոյանը: Մոնուածենտալ իր ուրվապատկերը քայլում է աշխարհում ճոճվելով բարձր ճոճածողի պես, Հայաստան Երկրի նման՝ հազար կրօքերի, տիրության ու մոլորդությունների բեռով ծանրաբեռ: Մատների դողով շոշափում է եղեռնական Երկրի գերեզմանները, և թվում է, թե շոշափում է իր մարմինը հիվանդ: Եվ ամեն ինչում, ամենուրեք փնտրում է, ճանաչում ինքն իրեն աշխարհի այս հեռու անկյունում, «Նարեկի» գտնված մի եշի մեջ, որից բուրում է հայուիու կրծքի բուրմունքը տարով, Չարենցի Երգի մեջ, Չվարթնոցի խոյակում կապույտ, որ կնքված է իր պատկերով քարե, հայ հանճարի յոթհազրարայա իմաստում խոսքում... և ճանաչելով Երկիրը, ճանաչում է ինքն իրեն:

Ոտից գլուխ բանաստեղծը թաթախված է սակայն պատմության և առասպեկի նշաններով, որոնց ինքնության պատումը ասքն է հյուսում ինքնորոնման, որ հեղել է ինչպես հայ նախամարդու անխոսք, իմաստուն ծայնը քարանձավի մեջ և քարանձավ էնակ ինքը՝ բանաստեղծը: Իր սեփական ծայնի արձագանքն է կրկին բանաստեղծը քարանձավի մեջ, դարեր շարումնակ ապրել է որպես վանք, եկեղեցի: Նույնացրել են Նորան սակայն ամեն ինչի հետ, իրենից բացի («Ոտից գլուխ»): Ահա ինչու Դավոյանը Վահագնի վերածնունդն է Երազում «Ստվերների միջով» ժորվածուի առաջին բամնում, որովհետև, ինրպես հավելում է, «Երգերոդ չերգված վերջացան»⁴, ժայռեղեն ինսպիր են կախվել շուրջերից և իր պատկերի առաջ Արարատի տիխուլ, Արաքսի մեջ, քո մեջ, Արարատի վրա՝

1 Ռազմիկ Դավոյան, Ստվերների միջով, Երևան, 1967, էջ 3:

2 Նույնը, էջ 105:

3 Նույնը, էջ 117:

4 Նույնը, էջ 10:

Իմ պատկերն է...

Իմ մեջ արթնանում է մարդուն վեհացնող գորավոր մի ուժ

Եվ ուզում եմ բոլոր սահմանները անցնել-

Ուզում եմ այս պատկերավոր աշխարհի

Սքանչելի պատկերն ամբողջացնել։¹

Այսպես է երազում բանաստեղծը: Բայց ամբողջացումը ինարավոր է, եթե լեռները չեն փակում հորիզոնը և «մարդու հոգում կյանքը իր կնիքն է ղուտա»²: Բանաստեղծի երգերը ծուռ են և պատմության «քարե երկնաքերի վրա // համբերության ոսկե հատիկներն են արլամ» («իմ ծուռ երգելը»): Ուստի ազատագրվելով խորհրդանիշներից, բանաստեղծը, ինչպես Սասնա ծուռ Սասնա լեռներին կանգնած, ասում է «լեռնե՛ր, մի փակեր հորիզոնը»³ և ոտք դնելով այս երկրի վրա, հրճվում (ծիծաղում), փնտրում է ինքնորոնման ուղին՝ ասելով «դեպի լուսին արձագանքի ետևից եմ գնում»⁴: Ուստի, ծովվելով հողին, հողի խորին արձագանքը փոխակերպելով երգի, ասում է.

Մի բեկոր ժայռ պոկեմ,

Մի կտոր լերկ արև

Եվ ծամելով քայլեմ այս լեռներով:

Նայեմ գազանների խոնավ աշքերի մեջ,

Տեսնեմ արցունքների բնագդային ծնունդ

Ժայռերի մեջ մեխաված երազների համար-

Նշեմ գազանների տաքով թւերի տակ-

Նրանց սառն աշքերից սառը մի ջուր խմեմ...⁵

Այսախոսվ, հյուտելով երգի առասպելը, միֆական խորհրդանիշների մեջ թաքցնելով ձայնը, Դավիթյանը արդեն «Ստվերների միջով» ժողովածոտում փորձում է շրջադարձ կատարել, որ նման է մետաֆիզիկական թռիչքի, գոյաբանական հենարան փնտրել հոդի գրկում, իրականության ներքին հավելվածում, որ երգն է՝ իրական կյանքի խորհուրդը: Շարժումը դեպի վեր (դեպի լուսին արձագանքի ետևից...) երգի ինքնորոնման ճանապարհն է, որով անցնելու բանաստեղծը, իսկ մինչ այդ գծում է այն սահմանը, որ բանաստեղծության իր ըմբռնումն է՝ բանավիճային լիցքով արտահայտված, ուր-

1 Նույնը, էջ 14:

2 Նույնը, էջ 48:

3 Նույնը, էջ 49:

4 Նույնը, էջ 48:

5 Նույնը, էջ 8:

Դավոյանը բանաստեղծին ընկալում է որպես հավատի քուրմ, որ ամենից շատ հավատում է իր երգի ամենազոր ուժին և խորհուրդ է տախիս նրան լինել հզոր և վստ, որպեսզի թույլ չտա, «որ օտար մակուլվելու նավերի հավակնությամբ // Նավեն ծեր հավատքի վրա»:¹ Բանաստեղծությունը, որ վերևագրված է «Զեզ», ուղղված է պոետ ընկերներին և ինչում է ինչպես հրովարտակ: Ուստի այն պիտի ընկալել 60-ականների գրական հարցադրությունը, որ 70-ականներին արդեն, որպես բանավեճի զարգացում, տարավ միմյանց ժխտելու հումորվ:

Դավոյանը, բարեբահտարար, երբեք արտաքին բանավեճ չի մղում (չի մղել): Բանաստեղծական իր ճանապարհը անցել է և երգի իր ընկալումը արտահայտել ճանապարհի առանձին բանաստեղծություններում, իսկ ավելի ընդհանուր, գեղագիտական իր ըմբռնումներում, որոնք, ներքին զարգացման ընթացքով, արտահայտված են ժողովածուներում: Այսինքն՝ գեղագիտական պատահանատվությունն այն արդարացումն է, որ իիմում է ընթացքի և զարգացման պատմականությունը, որն ուղղված է ներքին ճգնաժամը հաղթահարելուն, ինչը առհասարակ 60-ականների պոեզիայի հատկանիշն է: Տիրապետող պահանջն, իհարկե, Պ. Սևակի առաջարրած բազմաձայնության գաղափարն էր, որ Դավոյանի պոեզիայում երգի փոխակերպումն է մեղեղու: Առաջինին համապատասխանում է ռիթմը, երկրորդին՝ խոսքը: Բայց, ինչպես Սևակն է ասում «արվեստագետը նա է, ով ունի հայացք», «իսկ ով ունի հայացք, արդեն վինտրում է ոչ թե կյանք, այլ կյանքի իմաստ»²: Ուրեմն, հայացքի ուղղությունն է, որ Դավոյանի պոեզիայում, ներքին փոխակերպությունների միջոցով, շարժումը վերևակց ներքև կամ հակառակը, աշխարհայացքի և պոետիկայի օրինաչափությունն են իիմում, որ ինարավոր է բացատրել ներքին անցման, տրոհման և փոխակերպման միջոցով:

-Բ-

Ուզմիկ Դավոյանը 1973-ին հրապարակեց «Մեղրահաց» և «Կեղևու բաց արա» ժողովածուները, որոնց նախորդել էր «Ուերպիես» պոեմը 1969-ին: Որոնելով երգի խարիսխը, բանաստեղծը ներքին անցումների հետագիծը արտահայտում է բարի և պատկերի շրջապատուի միջոցով, որ ժ. Ժենետը բացատրում է այսպես.

1 Նույնը, էջ 71:

2 Պարույր Սևակ, Երկեր, հո. 3, Երևան, 1983, էջ 203:

«Մենք հայտնվում ենք պարադրասային պատկերների առջև, որ լեռները և ծովերը փոխակերպվում են իրենց հատկանիշներով, այսպես ասած, իրենց սուբստանցիաներով, որ լեռը ծով է դառնում, ծովը՝ լեռ, բայց այդ գիշապտույտի զգացողությունը նահանջում է այն հաստատակամության առջև, որ պետք է ներշնչեր ստեղծագործության իրական եռկայունը»:¹ «Գիշապտույտը», հետևաբար, անտրոհելի է պատկերի ընկալումից, որ գոյություն ունի «քանձր, բայց գիշապտույտի տարածությամբ արտահայտված երկու բառերի միջև, որ նույն կամ տարրեր նշանակությունն ունեն»²: Ուրեմն, ինչպես Սարտրն է ասում, այսպիսի շրջապտույտը նման է «տարօրինակ հոլի, որ գոյություն ունի շարժման միջոցով», ինչը անցումը բարից պատկերին նկարագրում է գիշապտույտի փոխակերպման հնարավոր բազմազանությունը (Պոլ Վալերի): Սակայն, որպեսզի կանխել հնարավոր լինի պատկերի և բարի միջև անվերջության «խաղը», Ռ. Բարտը «իմաստների գիշապտույտը» նշանագիտության հիմնարար ինտիրն է համարում, որ միֆը համեմատելով մանող հոլի հետ, արտահայտվում է պատկերի և լեզվական նշանի իմաստի միջոցով: Սակայն այս «խելահեղ անվերջությունը» (<Եգեյի>), որի մասնակիցն է դառնում նաև ընսադատը (Մեկնաբանը), հոլի է վերածվելու «մահացու խաղի», եթե չկանխվի նշանի շարժումը բարի իմաստի միջոցով, որպեսզի «լեզվի աշխարհը հասկանալի դարձնի մտքի (իմաստի) համար»:³

Դավոյանի պոեզիայում միֆը, հետևաբար, տեքստի «գրոյական մակարդակի» (Բարտ) ըմբռնումն է, որ տեքստը ինքնին անունն է նամակի: Իսկ այդ դեպքում Ժ. Ժենետը «Մարուր ընսադատության հիմնավորումը» հոդվածում ասում է, թե «բարերը մտածում են մեր փոխարեն, մենք նրանց վրա իշխանություն չունենք, հետևաբար նամակի գործողության մեջ ծագում է գիշապտույտի հարաբերությունն այն բաների միջև, որ մենք կամ նույն ենք մտածել կամ մտածում ենք փաստացի»:⁴ Ուստի Դավոյանի պոեզիայում խորիրդանիշը, որ միֆական պատկեր է, մեռնում է, ինչպես որ մեռնում է տեքստը նրա, որ «գրոյական» իմաստ ունի: Միֆը, հետևաբար, իբրև պատկեր «սիմեպյակը» է, մի տեսակ գրական իյուսիա, պատմական անուն, որ մետաֆոր չենաև, այլ անվան պարզ գործողություն,

1 Ժերա Ժենետ, Փигуրы, տ. 1, Москва, 1998, ст. 86.

2 Նույնը, էջ 217:

3 Ролан Барт, Избранные работы. Семиотика. Поэтика, Москва, Прогресс, 1989, ст. 378.

4 Ժերա Ժենետ, Փигуры, տ. 1, Москва, 1998, ст. 14.

ինը բանաստեղծը, տրվերով բառահիմքին, վերապրում է, զգում և տեսնում, ուստի իմարեսիոնիստական գոյներով այն վառ է արտահայտված: Սակայն, ինչպես ասում են, բառեր չկան, այլ կան անուններ, որ յուրատեսակ սուբյեկտիվ ռեալիզմ է կամ ռեալիստական իյուզիա գեղարվեստական առումով: Այդպես անվանել են վերլուծողները նաև իմարեսիոնիստներին, որ գեղարվեստական պատկերը ընկալում է որպես ընանկար, գոյն և ... խաղ, որ ինարավոր է արտահայտել (ինչպես ասում էր Մոնեն):¹ Սակայն միֆի վախճանը բարի վերածնունդն է ազդարարում: Դավոյանի պոեզիայում այս ներքին շարժումը բարի ներքին շերտերի բացահայտմամբ «Աթրահաց» ժողովածում մեկնաբանվում է «Բառը» բանաստեղծության մեջ, որ նոյնը է նաև «Կեղևու բաց արա» ժողովածուի համար: Սակայն մինչև բարի հայտնությունը միֆերը փոխակերպվում են տեսիլիք: Բարի և տեսիլիք միջև ահա նավարկում է երգը: Իսկ բառը ծնունդն է հոդի, տեսիլը՝ երկնքի: Դավոյանի տագնաապ սակայն այս է, որ «տեսիլները ապրում են վտարված»: Թեև ապրում են նրանք հավետ, սակայն կյանքի լուր շիրիմներին հակված: Հոյից ել է սակայն վտարված բանաստեղծը, իսկ անհոդ բառը անուն չունի և «Տեսիլներ» բանաստեղծության մեջ հարցումով դրամատիկ շեշտ է ստանում Դավոյանի տագնաապը:

Արորով ինձ հոյից հանեցին,
ինձ հողում ինչո՞վ են թաղելու...
Հոգնել է իմ կյանքի նժոյզ-ձին՝
Չի՛ թօչում, չի՛ գնում, չի՛ թօչում
Հոյմերից երազներ քաղելու...²

Դարձ հոյի գիրկը, դարձն Է դեպի բարի նախահիմքը: Կորուստը հոյի կորուսն է կյանքի և տեսիլիք: Զայնը սակայն նրան երկինք է տանում, արյան ձայնն է ականչին հասնում, ընկնող աստղերին՝ ասում է աստղեր, ուրիշներին անհասկանայի երգերին՝ երգեր, կորած ծովերին՝ ծովեր, կորած երկրին՝ երկիր, կորած սիրուն՝ սեր, («Լռում եմ, ձայնս երկինք են տանում»): Ինչո՞ւ: Որովհետև բառերն ել տեսիլքն են հյուսում ապրումների, պահպանում հետքը անցյալի և ներկայի: Այդպես էլ բանաստեղծը, որ տարրութերվում է մուգի և լուսի մեջ, ճակատագրի դառնության վիզով մարդու անհուն ցավին նայում և մայրամուտի նման հրահալ է նա ու անկայուն, կիսված սրտով և ճակատագրով: Սակայն՝

1. Л. Г. Андреев, Импресионизм, Москва, 1980, ст. 4-10.

2. Ռազմիկ Դավոյան, Ըստիր երկեր, Երևան, 1987, էջ 39:

Կիսել են, այո՛, սակայն չգիտեմ,
Չգիտեմ ինչու, հավատում եմ, որ
Եթք որ գետերի ջրերն են կիսում,
Գետը իր սիրտը չի կորցնում ընավ,
Ամեն մի կեսով մի սիրտ է հոսում:
Եվ եթե հողը դարեր ու դարեր
Եվ վայուագործն մաս-մաս էն անում,
Ինձ թվում է, թե ամեն մասի մեջ՝
Մոսում է այնքան դարավոր մի սիրտ.
Որ նեղվում է իր փողքիկ սահմանում:¹

Հողը սակայն մարդկանցով է ծածկված, ինչպես որ մարդիկ ծածկված են հողով և այդպես, դարերի ցավով ծանրաբեռ, հողի ձայնը, ինչպես խաչի թև, երկինը է տանում մարդը («Ճակատագրի դաշնության միջով»): Այդպիսին է երգի ճանապարհը, և բանաստեղծը խաչելության այդ ճամփան այսպես է նկարագրում.

Լուսից մուրի մեջ ենք անցնում,
Մուրից լուսի մեջ ենք անցնում,
Մեկ ճանապարհ ենք ցուց տախս,
Մեկ ճամփա ենք հարցնում:

Ոչ մենք գիտենք ճամփան կարգին,
Ոչ ել նրանք, որ ցուց տան մեզ,
Դեռ դա թիշ է, դրանից ել
Իմաստություն այսին քարես։²

Իմաստության դաշնապատիր պատուղը ցավն է ու անորոշությունը: Մարդիկ նման են վագրներում նատած անտումն ուղևորների, առօրեական հոգսերի մեջ թաղված, երգում են, սիրահետում միմյանց, տիսուր պատմություններ պատմում, «մի կերպ կյանք են դարձնում կյանքը աղավաղված» («Անտուն ուղևորներ»): Մթին գիշերվա մեջ, սև ցուլերի նման, վագրները ասես իրար պոզահարում, գնում են առաջ, ասես այսին կորչեն անհայտ այս աշխարհում: Եվ չկան այլևս անտումն ուղևորներ, բոլորն են անտուն, հավասար և օրինավոր որբեր, որ հայտնվել են անուղի այս թափորում: Այսպես անուղի է ժամանակը, մարդը և բանաստեղծը և, տագնապով լցված, հարցնում է.

Ո՞ւր եք գնում արդյոք, ոչ ոք չի հարցնում ձեզ,
Եվ դուք կուչ եք գախս անհայտության վախից,

¹ Նույնը, էջ 34:

² Ռազմիկ Դավոյան, Պղնձե վարդ, Երևան, 1983, էջ 94:

Զյուների մեջ ընկած արյան կաթիլի պես,
Կարծրանում եք՝ որպես մի ահարկու թախիծ:¹

Աշխարհը ահա լիքն է կործանումներով, տագնաավներով վայրի,
բառն արյունոտվում է շուրթերին բանաստեղծի, երբ որ տեսնում է
«մագիլ է պահված» // իրար գուրգուրող աղավմիների // փետուրների
տակ»:² Եվ այս վշտերի հորձանքին եղբայրասպան Կայենն է հովիվ
(«Աշխարհ լիքն Ե»): Բանաստեղծի սրտում երգերը ասես ասենե-
րի պես են ցցվում, ծավալվում է ասելսագործ մի մեղեդի, հյուսում
ասեղնագործ մի երգ հայոց աստվածների բարձունքից («Իմ սրտում
ասեղներ են ցցված»): Եվ բանաստեղծը, կրելով հոգու բոլոր ժա-
մանակների ցավերը, ասում է.

Մեր խոհերին, մտցին տիրակալ է մի ձեռք,
Եվ մեկն իր անդրունին է քաշջում մեզ համար,-
Ժամանակի մասին հորինում ենք մի երգ
Մի տրտմություն, մի ցավ փարատելու համար:³

Սակայն երգը ապաստան չունի: Նա հևշում է ասես խաղաղ կես-
գիշերին, երբ մարդիկ «մտել են ընի գորգերի մեջ նախշում» և շունն
է հաշում: Կանչը, բառերը նրա, որ ունեն թախիծ, կարուսներ, որդեր-
գուրգոյն ու տագնաապ, թվում է «մարդկության բառերն են թանկա-
գին» և Նվազվում են խեղճ, որբ, արձագանքում կյանքին («Շունը»):
Մինչդեռ տառապանքի մեջ կա ծայն, իսկ ծայնի մեջ՝ լուս, որ կան-
չում է սիրով եղբայրորեն, լցում բանաստեղծի հոգին եսենինյան
մեղեդին («Եսենին»), ուր ասկում է.

Ոչի՞նչ, ասում ես դու: Մի տառապիր, ոչի՞նչ
Լեռները չեն չոքում քամիների վախից...

Եվ հավատում եմ քեզ, երբ նայում եմ ցավիդ
Եվ հավատում եմ քեզ, երբ նայում եմ ահիդ,
Եվ քո խաչը ես տանում եմ հյուլ-
Ես զգիտեմ վաղվա խաչերի մեջ
Մեր խաչն ո՞վ է շալակելու:⁴

Սակայն խաչը մեր և ճակատագիրը անքեն ծանր է ավելի: Տա-
փաստանի մի անկյունում բուսած եսենինյան մեղեդին, որպես հա-
վերժական թախիծ, հարազատ է Դավիյանին, որ եղբայրորեն խոր-

1 Ռազմիկ Դավոյան, Ընտիր Երկեր, Երևան, 1987 էջ 43:

2 Նույնը, էջ 35:

3 Նույնը, էջ 50:

4 Նույնը, էջ 67:

հոգդ է տախս ապրել, ապրել սակայն՝ ինչպես բույրը ցորեն հացի, մի պուտ եղբայրություն պահել կրծքի խորքում և կրկին երգել՝ «Եղբայր Ենք մենք» («Եսենին»): Բայց նոյն ժամանակ, արարիչը՝ սկիզբն ու վախճանը կյանքի, մենակ, ծակ տրեխներով, անձրևից ծեծված, հողմից հալածված, «գնում եր նա // լըված ու մենակ աշխարհի կողմից, //և ոչ, ոչ չեր կանչում նրան, //որ ապաստան տա անձրևից, հողմից» («Անձրևից ծեծված»): Սակայն արարիչ ապաստանը բառն է, որ միայն հանճարին է հավասար: Բանաստեղծի բառը ուստի խոստովանանքի համար է ծնվում, ոչ թե մանրանում շահատակություն շուկաների մեջ: Թրծվում է բառը սակայն իմաստունի հոգու ծալքերում և ապաստանում բանաստեղծին: Ուստի Դավոյանը ասում է.

Ես նստել եի

Բարի մենավոր քարանձավի մեջ,
Եվ բառը հազար տիսուր աչքերով
Լախս էր վրաս,-
Ես չգիտեի,
Որ դու միմերդ կվառես մի օր՝
Բարի խորքերը լուսավորելու
Եվ լորության մեջ կթողնես, գևաս:¹

Սակայն բառը, ինչպես ժամանակը, աննվաճ է, ընթացորեն ինեղճ և բառերի անծայր քարավանը, հանճարի կանչով, հարություն է առնում այսպես, շարժվում դեպի հավիտենություն («Բառը»): Հարություն է առնում ինչպես ծառը, որ ապրում է լիքը ամառներով, աշումներով, հարության կանչով բողբոջում է, ճաք տախս և պայթում, դառնում երգ: Վյոպես ել բանաստեղծը, որ, բնության կանչով, ծառի փոխանունն է, որ մարդկային ծև է առնում, մարդկային լեզվով բարեառում իր կարուտները, սերերը, ցավերը, սուզն ու տառապանքը, որպեսզի այս անծաղիկ դարում ծովվի նրան «որպես փոքրիկ գարուն»: Բանաստեղծը ասես աղերսում է «Բաց քո կեղևը, ծան՛, // Ա՛ն ինձ կեղևի մեջ», դիմադրելու քամիներին, օրերի հոգնությանը, տիսրությանն ու կարուտներին, որ մի օր, «որպես մի կորած տեսիլք, // մենք քաղվենք հողում» («Բաց քո կեղևը, ծան՛»): Դարձ դեպի հողը, ուր թաղված է երգի արմատը, կյանքի ուրախ և տիսուր մեղեղին, դեպի վեր և հավիտենություն սկզբնավորող պատսպարանն է, որ բանաստեղծն ընկալում է որպես տիսրության և ուրախության օրբան, որից ծնվում է նաև բանաստեղծի հավատարմության առա-

¹ Նոյնը, էջ 67:

պելը, հավատարմությունը երգին՝ ինչպիսին «Երեկ տիտուր, այսօր ուրախ» բանաստեղծության մեջ է ասվում.

Երեկ տիտուր, այսօր ուրախ,
Վլիքի պես ծափ եմ տալիս,
Երեկ՝ դեպի անհայտություն,
Այսօր դեպի ափ եմ գալիս:

Լուս ժպտում եմ փոքր ու մեծին
Կամ ծիծաղում խենիշ նման,
Ինձ բախչում եմ ավազներին
Անապատի գետի նման:

Ինձ բախչում եմ անմնացորդ,
Իմ ժպիտներն ո՞ւ են տանուա,-
Ծիծաղիս մեջ ամեն անցորդ
Հոգնած հոգին է լվանում:

Վաղը երբ որ մշուշ լինի
Եվ արցունքներ ծնվեն ցավից,
Գուցե մեկը փոքրիկ մի կայծ
Ետ թերի ինձ իմ ծիծաղից:¹

Իսկական բանաստեղծն այսպես է իրեն բաշխում անմնացորդ, մինչև վերջին կաթիլը՝ ինչպես բաշխում է իրեն գետը անապատի ավազներին, որպեսզի երգը ապրի՝ ինչպես ապրում է արցունքը ցավի, կայծը ծիծաղի...

-4-

Ուզմիկ Դավոյանի պոեզիայի ուժին, նախորդ դարի 60-ական-ներից սկսած, **երգի** որոնումն է, որ փոխակերպվում է մեղեդու: Երգին համապատասխանում է բառը, մեղեդուն՝ ոգին: Բառը սակայն փոխաբերություն չէ, թեև, այսպես ասած, ծնվում է իրերից առաջ: Դավոյան ահա ինչու ասում է՝ մեղեդու (ձայնի) արձագանքն է բառը, որ, ազատվելով մարդու կապանքներից, բարձրանում է վեր և «տիեզերքը լցում է կյանքով»: Պահվում են ծայները ջրերի հորդում, մտնում ինցիների մեջ՝ մարզարտանալու տեսչանքով, վերածնվում կրկին, ապրելով մի ուրիշ՝ բարի կյանքով, որ, ինչպես երգը, տե-

¹ Նույնը, էջ 5:

սիլք է, խաբեկանք, որ ապրելու տեսչ է տալիս օրերին, գումականների մեջ նշող ծայներին: Զայնի մեջ ենք ապրում ուրեմն նաև մենք, որ ապրում է եղեգների, շուշանների մեջ կապույտ՝ լցված աստղային հովերով, և եթե բանաստեղծն է ծայնի արձագանքն է լոկ, ուզում է, որ իր ծայնը զնգա մաքուր մեղեդու խորքով, որն ապրում է հավետ՝ ինչպես ալևնթարքը տիեզերական իաղաղության մեջ: Եվ երբ չի լինի նա կամ չենք լինի մենք, աշխարհը ծայնի և մեղեդու մեջ կփոխակերպվի և կդառնա «ավեր ծայների ծաղկավար մի գորգ» («Զայները»): Ուրեմն, բանաստեղծի անցած ուղղու կտավը այնպիսի ամբողջություն է, որն ունի ներքին համակարգվածություն և որի առանձին դրվագները ստեղծագործական տարրեր շերտեր են բացահայտում: Բանաստեղծը ասես գորգի հյուսվածքի մանրանկարը, բառերի միջոցով, հյուսում է և թվում է լցովում են բառերը մեծ կտավի մեջ, մատների ծայրով ասես բանաստեղծն իր տառապանքն է լցում մանրաթե՛լ՝ ազատագրվելու ցավից, որ ցավը ապրի միայն մեղեդու անսահմանության մեջ:

Դավիյանին 70-ականներից սկսած չեն զլացել մեղադրել զգացմունքայնության, միստիկականության, երբեմն դրան հակառակ, ինտելեկտուալության, մոդեռնի, և այլ ազդեցությունների՝ սկսած Նարեկացուց մինչև Տերյան-Բյուլյան, Եսենինյան կապերի մեջ: Գուցե դրանք մեկնաբանության առանձին դրվագներում նշանակություն ունեն, որոնց հետ համեմատության գայթակղությունը անխոսափելի էր շարժումը նկարագրելու առումիվ, բայց ամենից կարևոր թերևս այն է, որ Դավիյանի պոեզիան հենց նրբերանգների բազմազանությամբ, ժիտում է ազդեցությունների ուղղագիծ կապը, պահպանում զուգահեռականության օրենքը, որը հնարավոր է բացատրել ժամանակի միանության աշխարհընկալմամբ: Այսպիսով ժամանակը և պոեզիան, որ հարցադրման գիյավոր առանցքն է, 60-ականներին շարժման բնույթը ծևակերպում է Սևակի «Հանուն և ընորեմ ռեալիզմի նախահիմքերի» բազմաձայնության, մի փոքր ավելի ուշ՝ Էդոյանի «Բառի որոնումը» (1970), Հովհ. Գրիգորյանի «բանաստեղծության անհետացումը» (1970) աշխարհայեցության և պոետիկայի տարրեր և միաժամանակ նոր ընկալումներով: Դավիյանը առանձնապես չի նույնանում, բայց հակադրվում է՝ պահպանելով զուգահեռականության օրինաչափությունը, որը պատմականորեն եղբափակում է նախորդ շրջանը, բայց չի կրում նաև նորը առաջ տանելու դափնին: Պատահական չէ թերևս,

որ Պ. Սևակը, ծաղկաձորյան հանրահայտ գեկուցման մեջ՝ «Դժվար իրենից հասուն լինելն է», (1969) քննադատում է նորերին, շրջանցում նաև Դավիյանին: Մինչեռ Դավիյանը 1969-ին հրապարակում է «Ռեքվիեմ» պոեմը, որը ոչ միայն Դավիյանի, այլև առհասարակ նորագույն շրջանի հայ պոեզիայի գլուխգործոցներից մեկն է, որին հաջորդում է «Խաչերի ջարդը» (1970-1971) քնարական պոեմը, որ նշանակալից է հենց իր՝ Դավիյանի պոեզիայի ըննության առումով:

Ինչ խոսք, գրական իրողությունը այնպիսին է, որ թելադրում է հարցեր, եզրահանգումներ, ինչը այս պարագայում կարելի է բացատրել շարժման պատմական բնույթով: Դավիյանի պոեզիայում, ինչպես ասացինք, երգի և մեղեդու հարաբերությունն է ձևավորում պոետիկայի և աշխարհայեցության կապը: Իսկ Պ. Սևակը մերժում էր «բանաստեղծությունը կապել սրտին և երգ կոչել», որովհետև «ժամանակակից բանաստեղծությունը,- ըստ բանախոսի,- վեր է սիրտ կոչվածից և ավելին է երգ կոչվածից»¹: Սրտից և գիշից բացի, բանաստեղծությունը մի ժամանրավայր ունի, որ կոչվում է հոգի կամ ոգի:² Բանաստեղծն այսպիսով մերժում էր «հոգու գեղումը», խաղիկ-ջանգույսների բազմահարկությունը, որովհետև «սրտայի գեղումը հիմքն է նախնական արվեստի, բայց ոչ երբեք զարգացած արվեստի», ուստի սրտառու խոսքերի փոխարեն Սևակը ասում էր, թե այսօր ավելի կարիքն ունենք «հոգւոր ասմունքի» կամ «ոգեղինացած ասքի», որովհետև «խորալներ են դրդանշում մեր հոգում» և «ռեքվիեմների կարիքն է մեզ տանջում»³:

Պ. Դավիյանի պոեզիայում, իհարկե, երգը և երգայինը, բառի միջոցով առնչվելով գոյության նախահիմքին, պառակտված է հենց լինելու և գոյության իմաստով: Շրջապտույտը և փոխակերպումը լինելու և գոյության միջև, որ տեղի է ունենում բառի միջոցով, ներկայության պահի և բացակայի կապի միջևն է, որն արտահայտվում է ողբերգականի հետքի, ռեքվիեմի մեղեդու մեջ: Իսկ սա նշանակում է. ռեքվիեմը ներկայի արտահայտումն է, որ հևարավոր է խոսքի ոլորտում, իսկ պոեզիան այն հետքն է, որ պահպանվում է լեզվի մեջ կամ լեզվի միջոցով, որ կեցության օրրանն է նաև: Թեոլոգի համար խնդիր չկա, նրա համար նախասկիզբը միշտ ներկա է ամենուր և ամեն ինչի մեջ, ուրեմն և՝ Ղաստծոն և Ոչնչի: Բայց փիլիսոփայի համար ամեն ինչ ծագում է բացակայի (տարբերության) ոլորտից, որ

1 Պարույր Սևակ, Երկեր, հ.3, Երևան, 1983, էջ 191:

2 Նույնը, էջ 191:

3 Նույնը, էջ 191-193:

հնարավոր է լեզվի միջոցով: Ուստի, ինչպես Հայութերն է ասում, ոչ թե մարդն է մտածում, այլ լեզուն է մտածում և խոսում ինձ ինքնիրենով: Հետևաբար լեզում, այսպես ասած, ինքնավար է, ինքնիշխան և հարցը, թե ո՞վ է խոսում, Նշանակում Է՝ նա, ով կանչում է մտածելու, որովհետև նրա լրության միջով է ի հայտ գալիս կեցությունը և մարդը:¹

Դավոյանի «Ռեքվիեմ» պոեմը, հետևաբար, Սևակի նախադրույթին թերևս ընդդիմանում, բայց ունենալով աշխարհայացքային միասնություն, երգի և երգայինի ընկալման իր մոդելն է առաջադրում, որ լավ է հենց մեր պոեզիայի Ներքին բազմազանությունը ընկալելու համար, միաժամանակ, շարժման ընթացքով, Ներքին հակասություններ հայտնաբերում Դավիթ Հովհաննեսի երգին ջապանությունում «անհետացման» միջև բանաստեղծության միջև բանաստեղծականի ըմբռնման հարցում: Ուստի, կարելի է կարծել, որ այն ոմի իր ինքնությունը, որ միասնական համակարգի արտահայտություն է: Հետևաբար, վերլուծել «Ռեքվիեմ» պոեմը, Նշանակում է վերլուծել ամբողջի մեջ արտահայտված համակարգը, որ Ումբերտո Եկոյի մելոնաբանությամբ, «հավանականությունների համակարգ Է»², ուր տարբերության հետքը պահպանում է լեզուն այնպիսի լրության մեջ, որ ձայնի և մեղեդու միասնությամբ կարող է բացատրել տարբերության իմաստը և խաղը: Որպեսզի ասածն հասկանալի լինի, ասեմ, որ Դավոյանի պարագայում հնարավոր չէ լեզուն ընկալել իբրև ստրուկտորա, այլ՝ գուտ ձայն և մեղեդի, որ անվերջության է զգտում: Իսկ Սոյունը ասում է, թե «ձայնը որպես առարկայություն չի պատկանում լեզվին, որովհետև լեզվին պատկանում է միայն տարբերության գաղափարը, ուր առանձնանում են ձայների նշանակությունը (իմաստը)»³: Իսկ տարբերությունը և հետքը բարի նախահիմքի ընկալում է, որի նախասկիզբը երբեք չի անհետանում, թեև ամենասկիզբ, որպես այդպիսին, գոյություն չունի: Ուստի խոսել ստրուկտորայի ընդհանուրության մասին Դավոյանի պոեզիայում նույն է, թե ասել՝ ինչպես է երգը զգտում ձուլվել մեղեդուն, ինչպես նաև Ներքել՝ վերևին, որն արտահայտում է բառը և նրա ոգին, որ պոեզիան է ինքնին, բանաստեղծականի շունչը, շշուկը, որ ինչում է անլուկի և անտեսանելիի

1 Տե՛ս Խայդեգգեր Մ., Время и бытие. Статьи и выступления, Москва, 1993 («Путь к языку» հոդվածը):

2 Յմբերտո Եկօ, Отсутствующая структура, Введение в семиологию, Санкт-Петербург, 2004 ս. 27.

3 Նույնը, էջ 26:

փոխակերպության կանչով: Ուրեմն բառը իրականության ոդքան է արտահայտում, իսկ ոգին՝ իմաստը և գաղափարը, որ Դավոյանի պոեզիայում, համեմատության և փոխադրած կապի միջոցով, արտահայտվում է «Խաչերի ջարդ» և «Ուրվիեմ» պոեմների միասնական տրամադրության և հղացման իմաստի մեջ, որի նախասկիզբը Դավոյանը մեկնաբանում է «Խաչերի ջարդ» պոեմի հետևյալ ձևակերպմամբ.

Ըսկսում եին մարդիկ,
Ծնվում եին խաչեր...¹

Խաչն ի՞նչ է սակայն. «Մեր մարմնավոր կյանքի/ամենապարզ մի հուշ»: Իսկ ե՞ղաք՝ «Աստծու չեղած պատկեր»²: Եվ ավագ որդու կորուատը «Խաչերի ջարդ» պոեմում, որ մոր համար կորուատների սկիզբն է եղել, ոչ թե ավագ որդու, այլ իր «ավագ խաչի» կորստյան ցավն է ողբում մայրը, սերը և տանջանքը առաջին: Իսկ ողբասացների այս ցեղի վերջը ի՞նչ է լինելու. Վերևից կրկին նոյն հարցն է հնչում, ուր մայրը աղոթքը շուրջին իր զավակների երթն է հսկում... Երգի հնչունները սակայն, իրրև չասված աղոթք, չեն դարմանում հողը, երկինքը անլուր, ուր հեռացել են, փակվել մոր հոգու անազգ անդամում որդիները կորուայալ: «Ուրվիեմի» հնչուններն ահա ինչու, նոյնի (ձայնի) հետևողությամբ, մթագնված են, բարերը՝ ականակիտ, ասես մուգը արցունքների պես բանաստեղծի մատների ծայրերից է հոսում: <Ամեմատության համար տեղին է այստեղ իիշել 20-րդ դարի մեծանուն բանաստեղծ Սեն-Ժոն Պերսին, որի «Ծովեգերծները» «մթին» կոչեցին, ում «վեզուն բանաստեղծուի եղավ» և «բառերը մեզ այլևս նշաններ չեն, ոչ ել զարդեր, // այլ հենց բանը, որ կերպավորում են...»³, հոգու մթին ծալթերը պեղում: Այդպես ել Դավոյանի «Ուրվիեմը», որ փևտրում է բարի նախապատկերը, հոգին, նախածին երգը, որ ժամանակակիցները պոեզիա են կոչում: Ողբերգությունը կամ ողբերգականը նրանում է սակայն, որ «խեղանդամված երգի առապելը բորիկ // Եվ մի լլիված կնոջ ուրվականի նման // Թափառում է համատարած սև ամաերի վրա»⁴: Երգի ուրվականն է սա, ուր երկնից երկիր, որպես մի Գողգոթա, լուսի սյուն, բարձրանում է ինչպես մի մերկ, տկրոված լեգենդ և լլիված կնոջ նման «հիսքն իրեն փևտրում քասու մեջ» (Ղ, 33): Արարիչը թեև

1 Ռազմիկ Դավոյան, Ըստիր Երկեր, Երևան, 1987, էջ 458:

2 Նոյնը, էջ 458:

3 Սեն-Ժոն Պերս, Ծովեգերծներ, Երևան, 1993, էջ 222:

4 Ռազմիկ Դավոյան, Ուրվիեմ, Երևան, 1969, էջ 32 (այսուհետև մեջբերումներ անելիս այս պոեմից կնշենք տեքստում Ո և Եշահամարը):

աետք է գոչեր՝ «համակարգվի՞ր, քասո», խճճվել է ինքը իր մեջ, ընկել են բոլոր գոյությունները հաստատ և Աստված դարձել է հավանական աստված, հավանական ոգի, ճշմարիտ երգի մի ուրվական: Ուստի կարուտը երգի, ստեղծագործող կրօքի, «ճաքճքել է հազար միլիոն տեղով», իսկ մենք դարձել ենք «խտացված ստվերների դամբարան» (Ղ, 35): Սակայն՝

Մեր հոգին -

Գիշերվա լրությունը ճեղքող

Կարծր մի լրություն:

Մեր կոչերը-

Զարդված ստեղևաշար

Մի հին երգեհոնի: (Ղ, 36)

Այսպես մաքառում է մեր հոգին՝ մեղեղին մեր հոգու լրության մեջ և սիրու մեր բոցավար ստվերն է կապույտ թշունի, մեր բերանը ճեղքված վիրավոր մի սիրտ, շուրբերը՝ երկու հաշտվող կեսեր, որ կարուտի սիրույն չարտասանված խոսքի պատրաստ են պայթելու ամեն վայրկյան: Մինչդեռ երկնքում հավերժ կենդանի լուսնի դագաղն է և մեր կարուտները կախաղան են հանվում սեղանի վրա, ուր նստում ենք վերջացրած երգը նորից սկսելու, մտցերը և զգացմունքը «ամափի ծվենների նման նորից զգգգելու» (Ղ, 36): Երգի կարուտն այսպես մեզ հիվանդ է դարձել: Մեր «հոգին էր երգում մեզ համար», - ասում է Դավիյանը: «Մենք մի երգ ունեինք, որ երգում ենք առավոտ, իրիկուն» և «Երբ ճանապարհները չեն մտածում փրկել մեզ, լսում ենք այդ երգը քնի մեջ՝ մեր հոգին երգում էր մեզ համար» (Ղ, 38): Եվ անհավատ մի քոչվոր, հայտնվելով մեր առաջ, ասում է՝ «ձեր երգը երգված է»: Բայց միայն նա չէ, նրա ստվե՞րը, թէ՝ մեկ ուրիշը, ասում է կրկին նույնը՝ «ձեր երգը երգված է» (Ղ, 38): Ահա ինչու չեն խոսում երգերը. որովհետև նրանք տառապել են նույնքան, որքան տառապյալ է մարդը, որ կորցրել է սիրու, աչքերը, ձեռքերը: Իսկ Դավիյանը հարցնում է ինչո՞ւ չեն խոսում երգերը, նրանց տառապանքն ավելի՞ն է, երբ մերն է անդունդների վիշտը, ծորերի խլությունը, շլությունը արևի: Ամեն ինչ ունենալով այսպես, մեզ ոչինչ չի մնացել երգից բացի, որպեսզի թափուր չմնա մեր սիրու, մեր հոգին, ձեռքերը, աչքերը և երկիրը մեր: Իսկ երբ պակասել է երգը, ավերել է քոչվորը մեղեղին նրա, «մենք ասում ենք մի խոսքարցումք-ճշմարտություն» և տանում ենք մեզ հետ արձագանքը արցումքի, որ երգի կորուստն է (Ղ, 42): Այսպես այսինի մոտենանք

Կրկին ճշմարտությանը և երգին, որ մասնատված է ինչպես կաղնու երկփեղկված բռնը, ինչպես մեր ճակատագիրն է կիսված: Եվ բանաստեղծը երկնի և երկրի միջև մղոնների հեռավորությունից, որ երգի առանցքն է, մահաղարձության կանչով բռնկված, ինքնագունան ճանապարհին է փնտրում, կլլում ամբաստանության կրակը այդ ճանապարհին: Եվ պատրաստ է «ոգու հավիտենական հյուզը ներծծել», որպեսզի հողեղեն շինվածքն իր թրծվի և ոգու անծուխ հոլոր վառվի իր մեջ, մեղեղին հոսի երգի մեջ: Իսկ մինչ այդ.

Իմ մահճակալից կախված իմ ձեռքը

Իմ տրտումովյունն է,

Եվ իմ մատները՝ արցումքի շիթեր:

«Մեզ մի մոռացիր,

Եվ իշեա մեզ, Տեր»:

Մեր ջարդված հոգու ամեն մի հյուզեն

Կենդանություն է հավիտենական,

Որից դարի և գալիքի համար

Երգեր կծովեն՝

Եվ ողբերգական, և կոմիկական.-

Եվ լաց կիսեն,

Եվ կծիծաղեն,

Եվ կրոքան իրդեհ կոնքերով,

Մատներով մորմիկ,

Շուրթերով մարջան

Եվ շեկ մագերի շիկավուն բոցով,

Եվ կրոքան մեզ հասկանալու

Խելագարության անորոշ ցավով: (Ղ, 46)

Բայց միայն մարմնավոր գոյությունը չէ մասնատված, կենդանի է հոգին այսպիսով ամեն հյուշելի մեջ և ճշմարտությունը, որ ոգու մեղեղին է պահպանում, երգի փոխանունն է, որ «Դավոյանը անվանում է «տեր ճշմարտություն»: Մի ժանտ կայծակ ճեղքել է սակայն ոգին, լուել է մեղեղին, կիսվել մեր հողը և մարմինը, բայց դարավոր կաղնու պես, այսպես կիսված, «իրար և հողի մեջ ենք ներհյուսված» (Ղ, 42) և մեր ապրելու դաժանությունն ու գեղեցկությունը, հավատը և երազը արդար ենք կիսել: Մարդիկ այդպես են կարծես աշխարհ գալիս, մտնում անդուռ ազատության, անչափելի ժամանակի, անպատուհան տարածության մեջ, տեր ճշմարտության անվամբ՝ հզոր,

հպարտ, իրարից քիչ-քիչ հեռու են քայլում, իարթ ճակատները բախում են իրար, ընկնում են ետ՝ թիկունքում պահված սրբի վրա: Նրանք ասես Կայելի որդիք են և «աշխարհ են գալիս իբրև մարդասպան», իսկ «մենք անասումների հոտերի նման կապված ենք մահին» (Ղ, 50): Ուստի, թվում է, երազել ենք անօգուտ, անօգուտ արարել, որ ստեղծագործությունը, երգը երկար ապրի, քանի դեռ մահ կա աշխարհում անընական, և մարդկության մի կեսը սպանում է մյուս կեսին, խեղում մահվան գեղեցկությունը: Մինչդեռ.

Լուսագարս ենք և ազատածին.-

Ամենամեծը երկինքն էր դարձայ,

Ամենաշատը և ամեատչելին երկինքն էր նորից,

Ամենաազատն ու անչափելին երկինքն էր դարձալ.-

Երկինքն էր նորից սերն ամենամեծ: (Ղ, 51)

Բայց փակվել է երկսի դուռը, ոչ մի բաց դուռ չկա, աշխարհը, ժամանակը և երգը երկփեղկված են կայնու բնի պես, իսկ մեր ոտքերի տակ պտտվում է տափակ մի երկրագունդ, մարդու գրապանում խաչված ուսեւ քրիստոնետի, որ ժամանակի անփոյք դեմքի վրա արյամբ օծված իմաստությունն է մեր երգի: Երազները թաղվել են երկնքից այն կողմ, հորի խորդում մահաբեր: Մեր շուրջը հիշատակների աշխարհին է լոկ, ոգիների թագավորությունը, ուր հոյսը՝ գունատ սաղմոսագիրք, դառնում է տաճարից, որ գուրկ է կենարար շնչից և փակ շուրթերի մեջ երգն է խեղված: Ոիթմը երգի և տեսիլքը նրա ահա ինչու փոխակերպվում է, որովհետև «ինչ-որ մի բան այստեղ // ինչ-որ մի բան ջնջեց» (Ղ, 28) և գիշերային գազանների արքան իր արևածոր հոգին դրեց սև թաթի տակ՝ հրկիզելով ոգու ծիրը գիշերային: Լեռները սողացին ծառի բներն ի վեր և երկնքից շանթարձակման լեռներ կախվեցին ցած: Եվ մեր ուսերի վրա «գլուխների տեղակ շանթարգելներ առած», անկապ փողոցները կապկառը իրար, ամբողջական աշխարհի պատկերն ենք ստանում «թարթիչների վրա պառկած սֆինքսներով», «կանանց մարմինների պատարագով» ձեռքերում սեղմած ռիթմը անսանձելի կյանքի և խոսությանքի հրաշքների մասին («Մենք խոսում ենք...»): Մինչդեռ՝

Տիեզերքի բոլոր անկյուններում

Կա մի այցունք

Եվ անպայման անդունդների վրա կախված: (Ղ, 30)

Իսկ երգը թափառում է փարավոնի նման հերարձակ գիշերվա տագնապին անհաղորդ, երբ արշալուսը սև ժայթքում է հոյի կրծքից, ձայնի բեկված հիշողության նման դատարկ, ուստի.

ՍՈՒՐԵՆ ԱԲՐԱՄԱՏՅԱՆ

Եվ կրթերը մաքուր, և՝ խոհերը չնչին
Գամերով մեխվեցին հողի մեջ.
Եվ խորացավ հողը,
Եվ խորացավ ու խոր ճանապարհ գնաց
Դեպի վախճանակետ.
Ծանրության տակ դեռ շունչ ու կենդանի
Կրծքի վրա վառած սպասումի ջահեր,
Ժամանակի վրա ոստոստելով անվերջ.-
Սկիզբ չկար, եւ ինչ ծիծաղելի մի վերջ: (Ռ, 29)

Ահա ինչու Դավոյանի երգը ծնվում է միահանգ՝ ինչպես ճանապարհի երգը միալար, և երծծված անցած և գալիք ճանապարհների բեռով, որ լիքն է ձայներով մարդկային ցավի և ողբերգության: Այդափսի մի կատարյալ քայլերը է «Չգիտեմ ե՞րբ, չեմ հիշում ո՞վ» հատվածը, որի ձայնը ռուբենսևակյան ռիթմ ունի, տառապանքի անցած ճանապարհի անորոշություն, ժամանակի և ժամանակների հանգերգություն:

Չգիտեմ ե՞րբ, չեմ հիշում ո՞վ
Անցնում եր լուռ այս աշխարհով:

Ցավերն ամեն՝ առած ուսին,
Գլխի վերև՝ մեռած լուսին,
Ոտքերի տակ՝ աշխարհը սին,
Չգիտեմ ե՞րբ, չեմ հիշում ո՞վ
Անցնում եր լուռ այս աշխարհով:

Աչքերից կախ՝ սրսուռ երգեր,
Ուսերից կախ՝ թմրած ձեռքեր,
Թույլ կողերին մեռնող մեղքեր,
Չգիտեմ ե՞րբ, չեմ հիշում ո՞վ
Հողածնունդ իր ցավերով
Մեխվեց երկրի ամեն անկյուն,
Խեղդեց բոլոր ցավերն անքուն,

Ցավ-դիակներ առած ուսին,
Գլխի վերև մեռած լուսին,
Ոտքերի մեջ աշխարհը սին,
Իր մեղապարտ կյանքի կեսին

Մեխվեց կյանքի կողորդն ահով.-

Չգիտեմ Ե՞րբ, չեմ իշխում ո՞վ... (Ղ, 19-20)

Նոյն ռիթմով է հանգերգում Որպես Սևակի «Գացող մարդը»՝ ասպետը հեծյալ, սև նժոյգի թամբին հոգևար, որ «Վազելին շատ է հոգնել» և չի տեսնում ետևում թողած բյուր կմախքներ: Նա դյակ ունի, հեռավոր մի սեր և ուկստ, սակայն «հոն կերթա», ուր տապան ունի... «չեմ գիտեր ո՞ւր».

Չեմ գիտեր ո՞վ, չեմ գիտեր ո՞ւր

Կ'երթա... Հ'ին, իին ասպետ Մ' լուր,

Կ'ըսեն ծիուն վրա տիսուր

Կ'երթա շ'ւա, շ'ւա, չեմ գիտեր ո՞ւր...¹

Մարդկային երթն այսպես, ինչպես դարերի ստեղնաշար, հանգերգում, գլուում է անկանգ, սայթաքում, մեղկ մարսիններում անգույն մի դոդ, ցած նետվում երկինքներից իրեն սպասող սվինների վրա: Եվ թե թոհջը ունի, արմատահան թևն է իր ցուց տալիս, թե հայացք՝ փակ ակնազմներ, թե երգ՝ ոչ մի լիարյում երգ չի խոստանում: Եվ եթե այսպես է՝

Թե հաղթել է պետք

Մեր պարտությունը

Աճապարանքով պարզում ենք առաջ

Եվ հոգնածորեն... հանգստանում: (Ղ, 56)

Երգը, հետևաբար, իբրև բարերի զորաբանակ, պատկերների հարահոս շարան, վերաճում է ճայիկ և մեղեղոլ՝ վիւրելով նախահիմքը իր, որի իմաստը բազմաձայն է: Մենանվագայինը այսպես է վերաճում համանվագային մեղեղու, որ «Ոերվիեմ» պուեմում, ընդմիջարկվելով մենանվագային և երգչախմբային ամենի ճայևակցումներով, պոեզիան ընդլայնում է իր սահմանները: Ս. Խանզադյանը «Ոերվիեմ» առաջաբանում, սա նկատի ունենալով, ասում է, թե «Ոերվիեմ» կարուալուց հետո «շղշափեցի հարության խորհրդով կենդանացած Գրիգոր Նարեկացու մագաղաթ մատոները, որից մինչև իհմա լոյս է կարում մեր պոեզիայի վրա»²: Բայց միայն սա չէ, Խանզադյանը «Ոերվիեմ» բանաստեղծական շերտերում տեսնում է «խոսող շարականների թոթիռները», Աբու-Լալա Մահարու քարավանի հետքերը, Զարենցի «Դեպի յառը Մասիսը», «Գիլգամեշի»

1 Որպես Սևակ, Երկեր, Երևան, 1985, էջ 133:

2 Ռազմիկ Դավիթյան, Ոերվիեմ, Երևան, 1969, էջ 4 (Ս. Խանզադյանն «Խոսք հավատի և լուսի» առաջաբանը):

սրբազն մայրիների անտառը, բանաստեղծական նոր գովածք և խոսքի հարստություն առհասարակ¹: Եվ գուցե տեղին է ասել նաև, որ «Ռեքվիեմի» ոճը եթե գուտ դասական է, բառը՝ պատկերային, հանդուզն և մողեռն, ինքնատիպ մի քերթություն, որ չի սպասարկում բանաստեղծական ոչ մի կանոնիկ ուղղության: Դրանով հանդերձ, Դավոյանի պատկերները, հարահոս ընթացքով, բարդ ասոցիացիաների կապերով, որոնելով մեղեդին, բանաստեղծականի և բանի ուղին, երգը ծովում են մեղեդում, կորցնելով այդախով բառի իմաստը, հայտնվելով երանության, գաղտնիքի, արբեցության դիոնիսոսյան ծիրի մեջ... Ուստի բանաստեղծական կանոնները Դավոյանի «Ռեքվիեմում» դառնում են պատարագի և ծեսի կանոններ, հարահոս պատկերների ընթացքը՝ ողբերգության և ցեծության հաղորդություն, որի իմաստը պրեգիան է, որի ասելիքը հենց ինքը՝ նորին հրաշափառություն պոեզիան է...

Սա իրապես այսպես է, բայց, ինչպես ասում են, այնտեղ, որտեղ ներկա չե պատմությունը, պատմականությունը գործում է ակնհայտ: «Ռեքվիեմում» ոչ թե փիլսոփայական մտասուզումների կամ մետաֆիզիկական ներսուզումների հետ գործ ունենք, այլ գոյաբանական արբշիր շրջապույտի, որ արտահայտվում է բառի և պատկերի ողբերգական, եղերական, ցեծալից իրախճանքի մեղեդում, որի մասնակիցն են մարդն ու աստվածները: Բարի եռլայն մեջ իրը և իրի անվանուածը թերևս տարանշատված չեն. ահա ինչու պատկերը՝ տեսնվում է, ձայնը բառի՝ լսվում, իմաստը՝ կրահվում: Պատկերավոր ասած, ինչպես Որդին կասեր, Հորը տեսնելու համար պետք է իրեն՝ Որդում տեսնել, ճանաչելու համար՝ պետք է կրկին ճանաչել իրեն: Նրանով, նրա խաչելության միջոցով է ի հայտ գալիս մարդու արարչական գոյության, ինքնաճանաչողության միստերիան, որի մեղեդին ծնվում է հորի հիշողությունից՝ մեղսարմատ, անկատար և անկարեկից, այնուհետև իշխում վերից (Երկնքից) որպես գոյության ճանապարհի հաստատում:

Դավոյանի «Ռեքվիեմ» պրեմիամ մարդում և մարդկայինին հասնելու ճանապարհները բարդ են: Համբարձման միստերիայի գուգահեռը մեղեդուն ծովվելու դրա վառ օրինակն է: Կատարյալ կեղկի մեջ է մարդը, եթե «աստվածամերձ բարձրությունը երկնի // արվեստների ձայնի // զորեղ ահազանգով կանչում է մեզ» (Ղ, 106): Երգը այսպես գտնում է «կատարյալ ծև», և աշխարհը իր փակ ականջներով լսում է երգն այդ ամենօրյա և ասում «Երկնում կա երկինք», մերկ

1 Նույնը, էջ 4-5:

Ե երկինքը և «Աստված բացակա Ե, չկա», իսկ հողում Աստվածներ կան թաղված և հոգիներ չկան առանց մեղքի: Բայց երկինքն ամենակու է, յում է լոկ լոյսի նման բոցավառվող ձայնը և հրացումն իր հաղորդում ինչպես Անկեզ Մորենու ձայնն է հաղորդում: Սակայն մեռնելու չափ հեշտ և ապրելու չափ դժվար է լսել առասպելը, առապելներից մաքրել երկիրը, մինչև երկինք բարձրացնել կամ «առապելները առասպելացնել» («Հազարամյակների ձանձրույթը»): Վհա ինչու Դավիյանը երգի հանգրվանը, որ հորի հիշատակներն է պահպանում, երգի ճանապարհը փնտրում է երկնային մեղեդու մեջ, խոսում է ոչ միայն իր, այլև բազումների անունից և երգի խորանում այս հողում «մոլորված հարյուր աստվածների // մարդ-աստվածային մկրտությունն անում», ինքն է՝ «հարյուր աստված հարյուր ժողովրոի», դառնում (պատկերավոր ասած) «տիշրության հարյուր եկեղեցի» («Եվ հոգնա՞ծ...»): Բայց թափուր են խորանները, վեմերն՝ արևաշաղախ, երկնքի դրամք փակ, ոգու աշտարակը փլված մեր ուսին, երազները՝ ջարդված, քաղաքները՝ թափուր, օրերը՝ ամլացած դիակներ և հոր Ենք մենք՝ ինչպես աճյունները մեր երազների, աչքը մեր՝ մոլորյալ անցյալի հիշողության մեջ դրված մի շիրմաքար («Մոլորյալ աչք»): Աստվածների ձայնով մի մանուկ է աշխարհ եկել և հոգով պոռնկորեն տրվել է մուգին: Կիսադեմ դեմքով մարդու Ենա, որ կիսել մեր լեռը, հողը, մեր գոհերին՝ միլիոն ու կես, կիսել է ողջը, «ինչ եղել եր ու կար այս աշխարհի վրա», թքելով «Երգերն իր այլասերված հոգու» («Ոչ թախիծ եր կարծես»): Ծնվում է կրկին ասես հազարամյա տեսիքը Դանիելի, տեսիքը Հայտնության, երբ մայրը մի գազան ծնեց, իշխեց երկրում և ասաց.

Տերն ինքը մեզ տեր է կարգել այս ամենի,

Տերն ինքը երբեք մեզ չի մոռանա:

Եվ մենք անտեր էինք

Ու տիրավոր դարձանք: (Ղ, 88)

Այսպես ծնվեց ճորտոց և ստրուվը հոգու մեջ և քանովեց միստիկ օրերի առաջին առավոտը: Մինչդեռ մենք նախամարդ էինք, կատարյալ կեղևի մեջ, մեր կորուստը՝ կապտաշրթումը ժայռ, երբ չարի պարզւած աղաղակ չկար: Եվ ահեղամռունչ ընդվզում է բանաստեղծը՝ «քո Եփած ճաշը ինքդ կեր, աստված»: Մեղքը, ինչպես անկատար մի հողմ, Դավիյանի մեղեդին փոխնիփոխ դարձնում է կերկեր, պատարագի մի ինչուն, որովհետև անկատար է մարդը և աշխարհը, ողբայի տեսքով և ճակատագրով, հորի հիշատակութ-

ՍՈՒՐԵՆ ԱԲՐԱՎԱՅՐԱՆ

յամբ ծանրաբեր: Եվ մրմնջում է կրկին Դավիդանի քնարական հերոսը հողոտ շուրջերով.

Ողբայի եմ ես

Զուրջ ցամաքած շատրվանի պես:

...Անջուր, անլեզու շատրվանի պես
Ողբայի եմ ես:

Ողբայի եմ ես

Լքված, անկրակ բագինների պես:

Վնստվեր, անձայն անտառների պես
Ողբայի եմ ես:

Ողբայի եմ ես

Վսիոյ, անպտու այգիների պես:

Ողբայի եմ ես

Վյոված, սևացած դաշտերի նման,

Որ փռվու են մեր հոգիների դեմ

Վնդունդների պես:

Ողբայի եմ ես

Ձեզ նման, ինձ պես.-

Ես՝ անառագաստ, անսեր, անհոգի,

Վնծուխ, անկրակ վառվու՞մ եմ, վառվում...(Շ, 82)

Իսկ տիեզերքը լցված է երգով, բանաստեղծը՝ գամված անհնագանդ մի տարածության մեջ, որը մերքը բազմապատկվում է անվերջ: Աստված Մոռանում է տալ պայծառությունն իր աչքերի, ձայնն իր աստվածային, երբ արջա էր կարգում Մանուկին՝ կառավարելու բախտը մարդկանց, երբ մեր ճակատներին հանգչող առասպելն էր երգում: Ծնվում է հնչունի մեջ կրկին «Մեղան», որ չի ամորում և չէր ամերջում հազարամյա մեծ հավատաքնիչին ողբերգության իր մատյանում: Սակայն Դավիդանը, ինչպես հավատացյալ իր նախնին, ապավինում է երգին, որ գոյության հազարամյա կեղևն է պահպանում, ինչպես «ծաղկաբուժ ծառ», որ պտղավիրում է «սիրո փոխահատուցման անկրկնելի բառեր» («Մենք կատարյալ...»): Այսպես

Ե հղանում բանաստեղծը ճանապարհի գաղափարը, որ ոչ միայն իր, իսկ ճակատագրի, այլև մարդու անցած և գալիք ճանապարհի հիմները են, մեր հավատի մագաղաքէ լեռոցը, որ փրկում է մեզ թե ծիծաղելիս և թե լացելիս: Ուստի, ինչպես հավելում է Դավոյանը, «Մեր ծիծաղող աչքը մեր կյանքն է, կենսումակ հոգին, մեր մշտագոյ ձայնը// Մեր երգի շարումակությունը սկզբնաբան», ուրեմն և՝ մեր անցյալը և ներկան, որ հարցումով թերևս հաստատում է կրկին՝ «տեր աստվա՛ ծ, մի՞թե նաև ապագան...», որ հարցում չե միայն («Մենք անհայտ կորածներ ենք»):

Սկզբնաբան երգի ճյուղավորումները հյուառ են Դավոյանի երգի մեղեդին: Լեզվի միջոցները իրերը չեն բացում, դրանք մի պահ լուսավորվում են մեղեդու արտասանությամբ: Ուստի վերինը, որ ակնքարդի պես ախտի լուսավորվի, ճառագայթի վեհությունն է միստիկ: Եվ այդ երկնօրվ է մկրտվում հոգին, մրմնջում մտքում «շնորհակալ եմ թեզ, աստված, //որ այդքան մաքուր մի բան կա երկնօրվ» («Ծնորհակալ եմ թեզ...»): Բանաստեղծի աչքը դառնում է հազարաչք «Աեղա», բարձրանում երկինը, խոնարիկում ցած այնպես, որ, երբ խոնարիկում կամ համբարձվում է վեր, հառնում է վսեմաշուր պատկերը մարգարեի, որ կնքված է աջով, աղաղակում է «Աեղա»: Դավոյանի մեղեդին ևս փոխակերպվում է «մեղաների»՝ ուղղված ամուկ արգանդներին, որոնք չեն կարող քրիստոներ և աստվածներ ծնել և անաստված են միայն Նրա համար, որ իրենք իրենց են կարծում աստված: Բայց երկվրից մաքուր արեգակն է փայլում, խաղում ճառագայթը ծյուների մեջ, խաղում ինչպես մի մանուկ հեթանոս, միշտեր քարշ ենք տվել արևին ճնշիմ լակուտի պես դեպի լարինքինք ճնշիմ պուտական շաղակրատանքի, բորբոսաբույր մտքերի մեջ շղթայել և Նրա ամեն մի շղթից հարյուրավոր երգերի դիակներ են կախված («Ծնորհակալ եմ թեզ, երկինք»): Մարդիկ առաջնորդներ են կարգվել հոտի, ոգելից խոսքի հնչունները դարձել են թևեր զորավիգ, դառնությունն է կաթու հավերժական մեղքի: Սա է երգում բանաստեղծը և ամայի անտառները դառնում են կախաղաներ, ամբոխը միջատների պես ցրվում է ծառերի մեջ, նժոյգները քայլում են հենակների վրա, հառնում են նոր կախաղաներ, մթագնում ոգու ուղին: Այսպես է հանգչում երգը և մեղեդին՝ կախաղանի վրա ճոճելով «ոգեդեն փայլը Սոկրատեսի», «Ապոլոնի հանճարի զրոնգացող մերկությունը», «Հարեկացու մերքը ամենազդը», «Տոլստոյի հոգեպատիր անսահմանությունը» («Մեր մեջ մի փնտրեք

մեզ»): Կատարյալ երգը այսախով մեռնում, անդունդները գալիս և մեր առջևը կանգնում, լափիկում է մեզ երգը անդունդների, որի դեմ ընդգում է Դավիթանը՝ հարցումը հղանալով այսպես.

Իսկ դուք, որ մոռացել եք մեզ,
Որ մեր մարմինները դարձնում եք դագաղ,
Մեզ վերցնում, շարտում եք ծովը,
Շարտում եք երկինք,
Նետում եք մոռացուցան աչքերի մեջ ագահ,
Դուք, որ ամենուրեք երկրագնդի վրա
Ազնվագովս երգի ցեցերն եք պատմական,
Որ իրի եք մատում երգի ապարանքներ
Եվ խուզ քրջում եք թույնով ներոնական,
Դուք, որ սեպերով ճեղքում եք մեզ,
Որ մեր ծայնի ճիշը, մեր խուզ ճարճատյունը լսեք,-
Մի՞թե տիհած է ձեզ մեր երգի տևական հարստությունը: (Ղ, 110)

Քիչ ավելի հետո Դավիթանը հավելում է «Նրանց իրենց համարում են երգի մայրապետներ, իսկ մեզ՝ կեղծոտ հատակ» և աղերսում՝ «տվեք ինձ իմ աչքերը», որպեսզի «վլանամ հոգիները աղտից աշխարհային» և մանուկների նման պարզ կլինեն նրանք, կծլվան առավիտյան թռչունների պես աստվածային («Մենք անհայտ կորածներ ենք»): Ուստի ոչ թե բառերը, այլ միայն մեղեղին է, որ իշխում է երկնքից, հողից սահով վեր, խաչվում ինչպես բույրեր: Բանաստեղծն ահա այսպես, նստած ավեր տակառում, առագաստները պարզում են քամուն, բառեր է ասում ամոքիչ և հառնում է իր դեմ անցյալն անցյալի («Խաչվող բույրեր»): Խեղված դեմքերի շարականները հնչում են հերթով, պոտետիկներն են շրջում երկրում դեմքերով հաշմանդամ, իսկ հեռվում, ինչպես տխուզ հայելի, ուր սահում է դագաղը լուսնի, բացահայտվում է պատկերը աշխարհի՝ զարդարված բոլորով, տապալված խոհերի, երգերի անվերծանելի համայնացումը վրան («Հազարամյակների ծանձրություն»): Երգերը, ինչպես թևավորներ, ետ են գալիս կորած և գտնված հայրենիքներից և բացվում են բանաստեղծի հոգու մեջ երկինքը, խոսքեր մրմնջում անանուն խոսքեր, բառեր է կանչում բանաստեղծը անհայտ աշխարհից և երգը, ինչպես թևավոր մեղեղի, հայտնության հրաշք կամ բացվող դարպաս, հնչում է որպես պատգամի մեղեղի:

Բացում եմ բոլոր դարպասները փակ,

Խոսքի բռնկվող ռումբեր եմ դնում

Թույնը Ներփակող պարիսալերի տակ:
 Բացու՛մ եմ անվերջ, բացու՛մ եմ, բացու՛մ,
 Փշորում եմ բոլոր որևէրն ամրոխի,
 Ճեղքում եմ ցավի հումդերը բոլոր,
 Ձեռքով հատում եմ տառապանքն հողի,
 Բացու՛մ եմ անվերջ, ճեղքու՛մ եմ, հատու՛մ,
 Մերկացնում եմ դեմքն արարողի,
 Որ տեսի՝ ինչպես երկրի վրայով
 Գնում են, ջրվում

Գետերը ցավի, թույնի ու ոխի: (Ո, 168)

Որքան ել աշխարհ ցավեր կան բանաստեղծի հոգում, երգը չի դարձնում ցավագար կամ, ինչպես ասում Է «հացին թշնամի», «հողին դավաճան» («Պատգամ»): Ուստի կրիզն ընդդեմ չարի, գարշության դեմ քսու, ճարակող հրի ոչ թե ընդդեմ է ասվում, այլ՝ հանուն համայնի («Մենախոսություն»): Եվ ուզում է, որ իր երգի «անունը տառապանքի ծաղիկ չլինի», որովհետև մեղեղին անուն չունի և Նրա հեցունի մեջ «մեռնում ենք երկար», բայց «ապրում ենք հավիտենապես» («Ով իմ սուրբ աշխարհ»): Խոկ երգը, մեղեղու խորքում, ինչպես մի անհուն ճառագայթ, որ փոխանունն է պոեզիայի, հայրենիքը ոգու, ուր նույնն է երգի և հայրենիքի ճակատագիրը, կանչում է իր անհունի մեջ անվախճան և «պարտվուա են օրեր(ը) թշնամի,,// մեռնում երգեր(ը) դավաճան» («Վերջերգ»): Ուստի երգը իր՝ բանաստեղծի և մեր ոգու տոհմածառն է կանգուն «հիշորության կարմիր բլուրների վրա», որ, այսպիսով, ապրել է ուսուցանում («Մեր մեջ մի փնտրեք մեզ»), ուստի բանաստեղծը ընդգրում Է պատգամելով այսպես:

Դուք մեր տոհմածառը թողեք կանգուն...

Մի՛ ջարդեք մեր ոգին,

Ինչպես երեկ-երեկ-երեկ...

Թող հաստատ մնանք, մնանք անպարտելի՝

Մեր բազմաճյուղ տոհմի հավերժությամբ հղոր: (Ո, 112)

-7-

1970-80-ական թվականները Ռազմիկ Դավիյանի պոեզիայի, Նրա գեղարվեստական համակարգի ամբողջացման շրջանն է, որ թեև պահպանում Է գենետիկ կազմ Նախորդ՝ 60-ականների հետ, բայց պոետիկայի և աշխարհայցության Նրբերանգները արտա-

հայտվում են ավելի հստակ, ծևավիրում են բանաստեղծի պոետական աշխարհի սահմանները:

1978-ին հրատարակվում է «Տաք սալեր», 1983-ին «Պղնձե վարդ» ժողովածուները, որոնք միանական համակարգի արտահայտությունն են: Իսկ «Քարե բարձ» ժողովածուն, որ հրատարակվեց 1989-ին, Դավիյանի պոեզիայի փիլխոփայական խտացումն է, որ ընթացակարգությունը տեսադրամ է բացահայտում, ինչը, աստիճանակարգության հիմունքով, հայեցության տարբեր ընկալում է պարտադրությունը: Բայց հարցադրումները, որոնք տարբեր մեկնաբանություն ունեն առանձին ժողովածուներում, ընդհանուր հայեցության տեսադրամում են պահում բանաստեղծության և բարի ինքնության, բանաստեղծի կերպարի գաղափարը, որ ինքնարտահայտման թեմատիկ իր շրջանակներն ունի՝ սերը, հայրենիքը, մարդը, ժամանակը:

Մեկնաբանության հիմքում, իհարկե, սրանք առաջնանում են, բայց ներքին շաղկապումը, որ մեզ տանում է ընդհանուր նախահիմքի ընթացական, պոեզիայի և բանաստեղծության հարցն է, որ, ընկալման ընույթով, ընդհանուր է երգի կամ երգայինի իր աշխարհներակալմամբ, որը նույնը չէ «Քարե բարձում», այլ, զարգացման հիմքով, խոստովանականքային է, ուր բանաստեղծական խոսքին հավելվում է խոհը, ապրումն՝ բանականի ճայնը: Ուստի, հենց այս ներքին տարբերության, Եփոյուցիայի և պատմականության ընթացքով էլ կարելի է մեկնաբանել հարցադրումը: Եվ ասկածը միայն ոճական փոխակերպումների մասին չէ, այլև աշխարհներակալման ներքին բարդության և աստիճանավորման, որն արտահայտվում է անգամ Դավիյանի նախընտրած վերնագրերում և որը կդիտարկենք բանաստեղծական տեքստի համակարգի ընդհանրության, շարունակականության և կապի մեջ, որ կան «Տաք սալեր», «Պղնձե վարդ» ժողովածուներում Ճամփորդության, Մղձավանչի, Հարության և հավատի, սպասման երգերում:

Այսուամենայնիվ, դառնալով նախասկզբին, որ երգն է, մեղեդին նրա՝ լուսը, Դավիյանը «Տաք սալերում» ասում է՝ «այս խելահեղ քառսում հավատում եմ լրկ երգին»¹, իսկ լուսը, որ վերևուց է իջնում, «Ներծծվում է բոլոր մարմիններից, կուրքին ներս»²: Բայց լուսով ի հայտ եկող «Եփոյթը» առարկայի և աշխարհի բանաստեղծական պատկերն է, որ փոխակերպվում է բանաստեղծի ապրում-

1 Ռազմիկ Դավիյան, Տաք սալեր, Երևան, 1978, Էջ 13:

2 Նույնը, Էջ 6:

Ներում ճանապարհի ըմբռնման, որ պատմականության ու ժամանակի կապով է արտահայտվում, բայց, միաժամանակ, ումի իր ժամանակը և ինքնուրբյունը: Ուստի այն ինքնավար է որպես երգի ասացում ծովված մեղեդում, և եթե, ինչպես բանաստեղծն է ատում, իշնում է երկնքից, որ իր հոգու աչքն է տեսնում, կաթում երգի մեջ «որպես անմահության անուշ ցող», կենդանուրբյուն տայիս երգին: Ուրեմն այն շաղկապահ է մուսային, որ Հոմերոսից մինչև Դանտե, մինչև Չուչակ ու Զարենց հովանավոր եղավ և թև տվեց «Արանց հզոր Ներշնչանքին ու ջանքին»¹: Երգը, հետևաբար, ոչ ծնվում է, ոչ էլ ապրում առանց մուսայի, որ Դավիթակը, բանավիճող ոգու Ներշնչանքով, հակադրում է մուսաները լքած պոետներին, որոնք «աշխարհով մեկ քանդում են ու ավերում տաճարները մուսաների, նրա օրենքները Ներհում»՝, թխում երգեր ամեն ինչից և կողքին էլ մուսայի ծաղրանկարը գետեղում: Եվ մուսան, որ ամենազոր է, բորբոք է պահում հոգու երգի, բայց նրա դեմ ելել են կռվի, և բանաստեղծը աղերսում է, որ չչարանա մուսան նրանց դեմ, որոնք ելել են նրա դեմ կռվի, այլ բորբոք պահի հոգու, ընթացնի սիրտը նրանց, որովհետև մոլորյալ են նրանք, կարեկցանքի արժանի, թեև՝

Կարծում են, թե օրենք դարձավ,

որ ի հեճուկս հնի՝

Մուսաների կարիք չումեն

բանաստեղծները հիմի:

Մուսաները նրանց համար

խրտվիլակներ են անդուր,

Որ փակված են իհն երգերի մեջ

տիեզերքի մեջ անդուր²:

Սուսայի ապավենը սակայն բառն է, որ ապրել է դարերի մեջ և նուշել, «կիակված իին երգերի մեջ» և «մի ակնթարք անգամ բխումը չի ջնջել», այլ «հաստատել է կյանքը գիշեր ու տիվ»: Ուրեմն, արարչական իմաստ ունի բառը՝ տիեզերքի ոգին, որ ծնունդ է առնում հոգու մղումներից, որ փակ դուռ էր, և աստված է բացում նրա դուռը, որ դուրս լոդա, հանձնվի կյանքի տառապագին երթին («Արարչություն»): Հետևաբար բառը բացակայի կամ անտեսանելիի ոլորտից է աշխարհ գայիս և ակնթարքն այդ, լինելու և գոյության միջև, գոյգ սյուներ են սրանք, որոնց միջև բանաստեղծի կյանքը «Երկար սպասումի հայացք է անթարթ» («Վերին ոլորտներից»): Բառը ծնվում է

1 Ռազմիկ Դավիթյան, Պղնձե վարդ, Երևան, 1983, էջ 166:

2 Նույնը, էջ 165:

վերին ոլորտներից, ծիրից եթերային և հոգու խորքում մի տաք մեղեդի է հոսում, հունցում է լուսով մարմինը մարդկային: Սա նման է այնպիսի ճամփորդության, որ սկիզբ և վերջ չունի, շրջապտույտ է սկզբի և վերջի միջև, ուր երևակայականը օժտված է իրականությամբ, իրականությունմբ՝ բարի և լեզվի արարչական երանությամբ: Դավոյանը, կարելի է ասել, յուրատեսակ ռոմանտիկական վերածունդ է պարզեւում բառին, բայց բառը և պատկերը, օժտված գոյնությամբ, արտահայտում են պատմության և կեցության հաղորդականությունը, որ հնարավոր է մշակույթի և լեզվի միասնության մեջ: Ահա ինչու բանաստեղծը պետքիան և մշակույթը ընկալում է իրեւ «ոգեղենի հաց», պետին՝ իին ու հեռավոր ասպետ, որ իրեն մոտեցող ոգեղենի հացի բուրմունքը է շնչում, թեև խառնված է այն «գաղց պատուեշների հոտին» («Ոգեղենի հաց»): Ինքն իրեն հաղթահարելու համար՝ երգի մեղեդում համելու համար, բանաստեղծը՝ մաքառող ոգին, երազում է հյուսել «հեքիաթի գորգ», որ բափառում է անհունում («Հեքիաթի գորգ»), երազում է սուզվել երկնքի խորքում, փաթաթվել երկնքով, գիշին՝ ամպե սաղավարտ, քամու երախին տրված հասնել «անհայտ ծիրերը երկնի, գոտն(ելու) երգեր(ս) անավարտ» («Ինձ փաթաթեք երկնքով»): Այսպես տառապագին է երգի ու մեղեդու մեջ ապաստանելու ուժին և Դավոյանը երգի մեղեդում անցումը համեմատում է արարչության և ծնունդի տառապանքի հետ և ասում.

Վրացին օրս տառապանքի մեջ,
և երկրորդ օրս՝ նորից տառապանք,
և երրորդ օրս տառապանքի մեջ,
և չորրորդ օրս՝ չորից տառապանք,
իինգերորդ օրս տառապանքի մեջ,
վեցերորդ օրս՝ անհուն տառապանք,
ու՞ր է տանջանքի կիրակին, Տե՛ր իմ...¹

Սակայն ճաղերի միջից է երևում երկինքը: Մահկանացովի մեղքը երկրային վանդակել է հոգին մարդու: Բայց ճաղերի միջից երևում են նաև հորիզոններ, որտեղ նյութը կորցնում է կշիռն իր անիմատ, առնում է թևեր, ճախրում չքնաղ երկնքի մեջ: Ճռչում է սակայն երազանքի անիվը և նրա ճռինչի մեջ բաբախյունն է հնչում դարի, ընչաքաղ ողու տագնապը մօայ՝ շնչելով սահմանները բարու և չարի («Երազանքի անիվ»): Դավոյանն ահա ինչու երգի այն մեղեդին է հայցում, որ մեզ չի տանում նյութի սանդուղըներով վեր,

¹ Ռազմիկ Դավոյան, Տաք սալեր, Երևան, 1978, էջ 30-31:

այլ լուս աշխարհի է գալիս անթիվ ծայների ապաշխարումնվ, ճառագայթի պես ճեղքում մուրզ, բացում ծալբերը թանձր լրության («Ճառագայթի կյալնօ»): Եվ Նրա՝ ճառագայթի լրաւորումնվ բանաստեղծ հայտնաբերում է լեռներ, հովիտներ, դաշտեր և ձորեր, ժպտում բարի հետ, օծում բառը երկնային ցողով, մարգարիտներ լուս աշխարհ բերում և բառեր, որ ապրում են իրար կողքի՝ ինչպես կյանք ու մահ: Բանաստեղծն ահա այսպես, բարի վերածնունդը վերաբերով, ասում է.

Ես ոչ մեկին չեմ տվել մորացության մշուշին,
Ալթենել եմ, չեմ թառել ծնված ոչ մի գգացում,
Խոնարհությամբ եմ նայում և անցյալին, և հուշին,
Օր ապրում են մարդկության և ծիծաղում, և լացու:

Լցված է կյանքս անտակ խորհուրդներով անմեկին,
Հնչյուններով, բառերով՝ գեղեցիկ ու բզկտված,
Այս խելահեղ քասում հավատում եմ լոկ երգին,
Եթե վեր եմ բարձրանում, միշտ նայում եմ դեպի ցած¹:

Անցյալը, գայիքը բանաստեղծի ապրումի և բառերի մեջ են հանգրվան գտնում: Բառը սահմանակից է լրությանը, որի հարությունը ծայնն է արտահայտում, բայց այստեղ, Ներկայի ակնթարի մեջ է անթեղվում: Երգն ուստի այն ժամանակ է խկական երգ, երբ օդի նման են շնչում բառը՝ ինչպես որ տերևն է օդը շնչում, ինչում արձագակը տալիս հովից, արեգակից («Երգն այն ժամանակ է...»): Անբռնելի երազ, անասելի հնչյուն է բառը, որը կա միայն «անծայրածիր գոյությունը բառի», երբ բանաստեղծը ինքնամոռաց մտնում է բառերի մեջ, ինչպես որ աղմուկը փողոցներից ներծծվում է շենքերի մեջ, փաթաթվում է վերմակվերով, ասես խլանում («Ճամփորդություն-4»): Ուստի երգը, որ հաղորդվում է ոգու լուսով և անգամ, շահելության օրերին, երբ «Պուշկինն անգամ թվում էր սառ», գորշ առօրյան ծածկում էր երազները, երգում էին իրենք բորբ վարձու նկուղներում, գինու և ծիսի բուրմունքի մեջ, իսկ երգերն այսօր շրջում են «Նկուղների մեջ դաժան դարի» («Խել կրանք այստեղ երգում են դեռ»): Երգում են Նրանք հեռվում, հաղորդվում ոգու լուսով, իրենց երգով հերքում մտքի ամլություն և ոգու սով: Եվ այդ ճանապարհը, որ Դավիթանը անվանում է նախապատերի ճանապարհ, ոյուրին ուղի չէ: Դավիթանը, ուստի, Նկարագրելով ճանապարհի քայլը, որ անցումն է երգից մեղեղուն, ինչպես հեթիարի գորգը թելից՝ հյուաված-

¹ Նույնը, էջ 13:

թին, հորդորում է քայլել ճանապարհը անգամ այնժամ, եթե քայլելն է թվում անհնարի: Մաքանել՝ հայտնաբերելու այն աստղը, որ չի փայլել մարդկանց համար և զգնահատել ոչ անցած ճամփան, ոչ արժեքը բերիդ: Անցնել այդպես ժամանակների ու ժամանակի միջով («քայլիր մի տարի և երկու տարի» կամ «միջին տարի», - ժամանակը շրջապտույտի առանցքն է), որպեսզի հասնեն նախապապերիդ.

Եվ եթե հասնեն նախապապերիդ,
ուրեմն՝ մոտ են և ապագային.-
թեզանից առաջ, նրանք շատ առաջ,
բյուր դարեր առաջ ճամփա են եել,
և նրանք են, որ մոտիկ են արդեն
ապագաներին բոլոր նոր ու հին:

Եվ եթե հանկարծ քո ճանապարհին
նախապապերիդ դու չհանդիպես,
ուրեմն՝ սիսալ ճամփով ես գնում,
և ոչ մի հրաշք չի փրկելու քեզ¹:

Ինչ խոսք, Դավիյանի ընկալմամբ դարձի այս շարժումը, որ կարելի է անվանել «առաջ դեպի ետ», ոչ թե ավանդների հիմնացարք անխախտ պահելու մեջ է, ինչին լորձաշուրթ հիացմունքով տուրք տվեց նախորդ դարի 70-80-ականների ընսադատությունը, այլ, նախևառաջ, մշակոյթի նախահիմքի որոնում, որի վրա հիմնվում է նաև պոեզիայի ծառը, արմատակարութ և վեր բարձրանում: Ուստի «նախապապերի» մասին ասուցք քուրսու վրա տեր ողորմեա ասելը չէ, այլ նախահիմքի ստուգում, որ աշխարհայացքային բացատրություն ունի: Բայց, որպեսզի ավելի ամբողջական լինի մեկնաբանությունը, կնախընտրել հարցը բացատրել Դավիյանի պոետիկայի ըմբռնման մի տարրի միջոցով, որի խարիսխը բառն է: Ծագման իմաստով բառը Դավիյանի պոեզիայում եքսարեսիվ է, եթե կուզեք՝ օրիետական: Բառը, հետևաբար, իշխում է առարկայի վրա, ուրեմն և՝ աշխարհը տեսիլ է, բառը՝ տեսիլիքի հայելին: Ուստի բառի իմաստը հնարավոր է կնտրել լեզվի հնչումնային դրսւորման և խոսքի(բառի) գործունեության կաաի մեջ, որը նշանակում է՝ «զուտ խոսածը բանաստեղծություն ե»(Հայդեգեր): Այսինքն՝ խոսքի մեջ թաքնվածի, եղանակավորման տևողության և բառի եռկյանը (իմաստի առօնություն) հասնելու մեջ է, ուր ինարավոր է պոեզիան: Պատահական չեր թերևս, որ նախորդ դարի 80-ական-

¹ Խունը, էջ 94-95:

Ներին Ժ. Քայլանթարյանը, վերլուծելով «Պղնձե Վարդ» ժողովածուն, թեև չեր անդրադառնում Դավոյանի պոետիկայի միջոցներին, բայց նրա արտեհկան քննելու ուժին համարում է բարի և ախահիմքը քննելու կամ, ինչպես ասում է՝ «դեպի խորքը եռվայան» թափանցելու միջոցը, որ ձևավորում է Դավոյանի պոեգիայի համակարգը։ Ուստի զայրվ համակարգին, ասենք, որ Դավոյանի պոեգիան ներքին բազմաձայնության է հասնում բարի եքսպրեսիվ ծագման միջոցով, ուր լեզուն նշանային հիմքից «ձերբազատվում», հայեցման աստիճանակարգի է հասնում, որ գոյության տեսիլքն է, աշխարհի այնպիսի ամբողջականացումը, որ հնարավոր է պոեգիայի միջոցով։ Ուստի Դավոյանի պոեգիայի լեզուն ունի ներքին տեսողություն, որ ծագում է բարի լրության ոլորտից, որի ասացումը խոսքի ոլորտում պոեգիան ծովում է «իսայի փրկարգությանը», մեկանգայիա և ընդմիշտ արարված աշխարհի գոյությանը։ Ահա ինչու Դավոյանի պատկերները երազի նրբերանգներ ունեն, որ հողից պետք է ելնեն դեպի Անհունը, որ տեսիլք է (տեսիլքի անվերջություն), որ ներծծվում է հիմնովին մեղեդու հնչողմին կամ փլվում անզորության դատապարտված, ինչպես որ փլվում է ավերված աշխարհը Անհունի ծանրության տակ, որ Դավոյանը պատկերում է իսայի պատկերով։

Չուր գոյաբանական առումով, իհարկե, աշխարհն արտահայտված լեզվի միջոցով, աստիճանակարգված է։ Բայց աստիճանակարգված է բարի միջոցով, որը, եթե գոյություն ունի, ապա աշխարհն էլ կա, եթե գոյություն չունի, այսինքն՝ արտահայտված չէ, գոյությունը հիմնազորուկ է։ Ուստի լեզուն, որ խոսում է ինքնիրենով ինձ և աշխարհը, աշխարհն արտահայտում է իր միջոցով, պահպանում լեզվի մեջ։ Սա, որպես շարժման, բարի ներքին իմաստի որոնման գաղափար, անշուշտ, բնագանցական (մետաֆիզիկական) թրիք կամ փլվածքներ չի ենթադրում Դավոյանի պոեգիայում։ Բայց նաև չի հավակնում այնպիսի վերլուծության, որ նախորդ դարի քննադատությունը վերագրում էր Դավոյանի պոեգիային՝ մշակութային նախահիմքի դավոյանական որոնումը հակադրելով 60-ականների իր սերնդակից բանաստեղծներին, ինչպես ասում էին՝ մոդեռնիստներին։ Դավոյանի պոեգիայի հակադրումը չուներ պատմականության ըմբռնման հիմնավորում։ Վերագրելով դասական պանդերի շարունակողի պատվիրանը, Դավոյանի պոեգիան հայտնվում էր այն պատնեշի վրա, որ օտար քամիների դեմ դրոշ է պարզել։ Բայց կար նաև այլ հայեցություն։ Դավոյանի «պահպանողականությու-

Նց՝ անվանում են եկիտար պոեզիա, նեղ մոտավորական շրջան-ներին հասկանայի: Բայց իրականում Դավիյանի և 60-ականների որոնումների հիմքը մշակութային բովանդակություն ուներ և ճգնաժամք, որ հետևակյան շրջանի պոեզիայի բնորոշ գիծն էր, արտահայտվում էր պոետիկայի և աշխարհայեցության ողջ համակարգում, որ ընսադատության տեսադաշտում ոչ միայն չեր հայտնվում, այլև շարժման գեղագիտական հակադրությունների պարզ սխեմաների մեջ էր ներառվում: Մինչդեռ ելակետը հենց ժխտման նախահիմքով արտահայտված ճգնաժամի գրապատմական պրոցեսի հիմքում է: Ուստի Դավիյանի պոեզիան ճգնաժամը հաղթահարելու ինքնության իր դրսնորումն ունի, որ մի ամբողջ դասական շրջանի ավարտին նախերգանքն է և ամոնջացումը, որ արտահայտվում էր լեզվի և մշակույթի ոլորտում: Եվ եթե պետք է խոսենք Դավիյանի պոեզիայի գրապատմական Նշանակության մասին, ապա պետք է հաշվի առնենք նրա պոեզիայի այնպիսի արժենորումը, որ նրանով ավարտվում է պոետական մի շրջան, ինչպես վարագույրն է իշխում պատմական մի դարաշրջանի դրամայի ավարտին...

Իհարկե, ավարտը վերջաբան չունի, այլ այնպիսի սկզբնավորում, որ ուղղության սահմանում է ինքնին: Պոեզիայի և պոետականության հարցը, ուստի, առաջնային է նաև այս պարագայում, որ Դավիյանը բացատրում է երգի իրական հիմքի ճանաչողության միջոցով և ասում է.

Երգն այն ժամանակ է իսկական երգ,
Երբ դու նրան չարջաշ քո նյարդերով
դուրս ես կորզում ծառի արմատներից այնպիս,
ինչպես արմատներն են հողից կորզում
խոնավություն
և ուժ,
և կյանք սարսագին,
որ հետո քո ցամաք երակներով հոսում,
և քննչություն տալով սրտիդ տառապանքին,
բխում է դուրս՝ որպես մատղաշ շուրջ ու տերև՝
հողից, արմատներից, գեղումներից վերեւ¹:

Ուգեսն երգը, որ ծնվում է հողից, իրական ապրումների նյութից, գյուքանական աստօան ունի: Հետևաբար և՝ ժամանակի արտահայտությունն է, որ կյանքի և մահվան փոխակերպությամբ է օժնված և նման է ասես գարնան շիվին, որ ամեն գարնան վերածնվում

¹ Ռազմիկ Դավիյան, Պղնձե վարդ, Երևան, 1983, էջ 76:

Ե նորից, ծնվում է վերջից, ճանաչում է իմաստը՝ անընելին և նրա «ստվերի մեջ կարող է ապրել ամբողջ մի ժողովուրդ»:// Եթե ապրում է նա»(«Օրվա այն պահերին»): Ծնունդը, հետևաբես, պատմական շրջապատճենի մի ողջ դրամայի վերապրում է, որ, ինչպես ասում է Դավիթյանը, ծնվում է աստղային լուսից, ոգու հետ մայր հողը մտնում, որպեսզի մայր հողը նրան լուս աշխարհ բերի: Ոգու տունը տիեզերքն է ու բնությունը՝ լցված մաքրությամբ, սիրով երկնային, ուր ձգուում է կավը՝ «Ելմելու համար գահը երկնային»(«Ճամփորդություն-2»): Տիեզերքն ահա այսպես ամեն բան առել է իր մեջ՝ սերը, երազները տաքով, հումները բարության, ծիր- կաթիները անթիվ, արեգակները և աստղերը, որոնք պատվում են կոյր, առել է իր մեջ նաև սերունդների երթը բազում «և ինքը չկա»(«Կան անթիվ աստղեր»): Ինչո՞ւ: Որովհետև մարդ՝ կավե սափորն ագահ, սանդուղքներ դրեց, շարեց հարկեր, սուր մագիլներով կառչելով ելավ և գերազանցեց հասակը ծառի, բարձունքը լեռան: Ինչպես գագանն է հաճույքից հևում, այդպես էլ մարդը տեսնագին հերով, նյուրի սանդուղքով մղվեց դեպի վեր՝ ազատությունը, սերը թողնելով ներքւում («Ճամփորդություն-2»): Մինչեն մարդը բողոքով է բնության ոգու, անբիծ ճառագայթը տիեզերքի, որ աշխարհ գալով ծնունդով մաքուր, «անմիտ շեղվել է բնության ճամփից»(«Կան անթիվ աստղեր»):

Իսկ բանաստեղծը կամ բանաստեղծությունը: Ո՞վ է բանաստեղծը և ինչպիսի՞ն աետը է լինի պոեզիան, երբ տաք են սալերը և անկման վերջին դրույոցից առաջ կարո՞ղ է ծնվել «աղնձե վարդ»: Բանաստեղծը, եթե հերիաք է տեսնում, ապա «հերիաք-մղձավանջներով», որովհետև «քանի՛ շերտեր երկինքներ կան» միրաժի մեջ և պատմությունն այս հին է այնքան, որ սկսվում է Հայկ ու Բելով(«Տաք սալեր»): Եվ վերջին անկումը, որ կարող է լինել ասենք անկումը երկնային մարմնի, որովհետև ահարեկիչ նյութը երկնային է, իսկ մենք երկրային ենք, հորին կպած, թթու՝ ինչպես մրցունը. մարդը, սակայն, նախ մրցունին կերավ, ապա նոր՝ ինքն իրեն: Եվ եթե կարողանար հողը «լեզու առներ», կպատմեր պատմությունն այս անվերջանալի, հինավանդ ու նոր: Եվ մեր մարմնի անկուշտ հողի վրա, վերջին դրույոցից (անկումից) առաջ կծե՞ր արոյոք «չնչին մի բան-Պղնձե վարդ»: Եթե այս, ապա մարդը կարող է ապրել կամ իրավունք ունի ապրելու(«Պղնձե վարդ»): Ահա ինչու բանաստեղծը ասում է՝ «անկումը այնքան սարսափելի չէ, //որքան անկումի ճամ-

փան տանջախի» («Հավատարմության ճյուղից եմ կախված»): Իսկ բեռն ինչպիսի՞ն է ճանապարհի՝ «մի տիրություն հավերժական, // և էլ ուրիշ բան չունեմ, // կրորաստների որք ու կական, // և էլ ուրիշ բան չունեմ» («Մի տիրություն»): Այսպես է, որ բանաստեղծի հոգում կոտակված թախիծը դուրս է ժայթում «ինչպես մեկը մի բան երգեր աստվածային Բախից»: Ահա ինչու, չգտնելով գոյության ոչ մի խարիսխ, բանաստեղծը ուզում է տարրալուծվել հանդերի մեջ, թախիծն իր ցուել և կարծում է.

Երևի թե մայրս
աչք է եղել նրբին,
որ ես այսքան մաքուր
արտասուր եմ ծնվել¹:

Բանաստեղծը, ինչպես մեծ «ըսթերցողը բախտավոր», կարդում է հոգում իր սերմանվածը և հարցնում «Ես բախտի ո՞րքն եմ, թե՞ օսպակն արդար» («Ես բախտի ո՞րքն եմ»): Իր ժառանգույնը կարուտների մի զորաբանակ է, որ տանում է «ղեափի երկսրի զահը երկսասուզգ» («Ժառանգույնը»): Ղժվար կյանք է բանաստեղծի որոնման ուղին, որովհետև «հազար տանջանք կա օրորում», «մուգըն իր թույնը շրթումըներիս է քսում» («Ղժվար կյանք»), բայց վերադարձ է ճշում բանաստեղծի հոգին կորած երգին («Վերադարձ եր ճշում»), նրանք ապրում են երկինքներում («Ահա ամաերը»): Այս գեհենական ճանապարհը զգվում է քանի՝ դար, տիեզերքն ի՞նչ է սակայն՝ բանաստեղծն ասում է «հավերժ տիրության շրջանառություն» («Ցերեկն արևուր...»), որ մտքի անասելի բեռներ բարձած, ազատության տեսչանքը անմոռանալի իր հետ, իր հոգում, դարձել է ըմբոստության համանվագ, երազում է ազատ հայրենիք և ճորտն է ազատության, հավերժ բանտերում, որ գոհվում է կրկին՝ մարմինը հանձնած սուր-սուր ծողերին («Ազատության տեսչ»): Վերջին հանգրվանն ահա այս է և մասնիկն է բանաստեղծը այս հանգրվանի, «ճակատագրի անհուն դառնության միջով մարդու անհուն ցավին է նայում» և ո՞րին է սկիզբը, երկի՞նքը, ի՞նչը: Նրանց շուրջին բանաստեղծը փոխակերպվում է բարի և «պատկերն է հառնում մի պարզ գոյության ու մարդացումի» («Ո՞րն է սկիզբը»): Այդպես է բանաստեղծը մնում անմեռ, հալվում տառ ու գրի մեջ և «գրի նման չի մեռանում»: Բնաստեղծներն ահա ինչու չեն ծերանում: Իր ցեղի ասպատակված ծառն է իիրավի բանաստեղծը, իիշողության նման մերկ և երկինքն իր կապույտով նրա հոգու մեջ է լցվում, չի հասկա-

¹ Նույնը, էջ 14:

Նում սակայն ոչ ոք ծառի ոգին ինչո՞ւ է մենակ, բանաստեղծն ինչո՞ւ է կյանքի հայելին: Նրանք՝ բանաստեղծները, գիտեն, թե «գեհենից փրկված լուսի առժեքն ինչ է»: Դավիյանն ուստի դիմում է համաշխարհային մեծերին՝ Հյուգո, Պուշկին, Բայրոն, որոնց հետ հանդիպումը դեռ առջևում է՝ ինչպես Ղազարոսի հարության օրը, երբ բոլոր ցեղերը մարդկության կընծեն սահմանները ողբերգության և հայ բանաստեղծը կարժանանա Նրանց գորովական խոսքին, որ անցնելով բախտի միջով գեհենական, պահպանել է հայացքը ջինջ, ինգին մաքուր («Հյուգո, իմ բարեկամ»): Խև վերջին հանգրվանը սա է, որ կա՝ իդեալներից սարքած երկիր, որ վախճանն է ազդարարում մարդու, տիեզերքի փառքի («Հանգրվան»):

Դավիյանի տագնաայն, անշուշտ, ծնվում է համամարդկային տագնաայից, որի հիմքը ազգային ճակատագիրն է, կենսահործի փիլիսոփայությունը: 1980-ականներին, երբ Դավիյանը հարցնում էր՝ «ա՞յս է ձեր երկիրը իդեալներից սարքած», պատասխանը ինչում է այսպես՝ «Ել ոչ ոք ոչ մի տեղ էլ չի պարտվելու» և այդ «հաղթության» երազներից սև փողոսկրե դագաղներ են ծովելու լուսերի համար, որ նոյնն է, թե ասի:

Ել ի՞նչ պարտություն,

Ել ի՞նչ հաղթանակ՝

Երբ դու հենց ինքը պարտված ես արդեն,

դու՝ քո հաղթության դրոշների տակ¹:

Բանաստեղծի պարտությունը, սակայն, միայն երգի կորուատը չէ: Ազրում է բողոքի անուրախ երգերով և արբել է ցավից, հայոց որբերի թախծոտ աչքերի արեգակներից: Միրտը Նրա պատառություն է ցավի վարդերի բուրումից և աղոթք է միմնջում առ տեր, որ չշարուվեն երեք սկահակները երեք գոյներով, որ իր տարիքն են նախանշում: Գոնե մենա Նրանցից մեկը, որ վարդերի թանձր բուրմունքը խմի-հանդարտովի («Սպասում-2»): Մի մեծ գլխի ստվեր սակայն երկիրն է ծածկում, որված է այս որովհետև «երկրի լուսի անցքում» («Մի մեծ գլխի ստվեր»): Եվ բանաստեղծի աղոթքն անզոր է, փախուատն անելանելի: Տիրամայրը վինտրում է իր կորած մանկիկին, որդուն խաչել են մարդիկ, երկրի վրա իջել է գիշերն ահարկու («Տիրամայր Մարդիամ»): Եվ որթան էլ բանաստեղծը երազում է Աստծոն նման խաղաղ ապրել, խաղաղ անցնել «երկու օրվա ես ճամփեղ», հավատա, որ կրկին հարություն առնի, ազգն ու քարը փոխակերպում են միմյանցով.

¹ Նոյնը, էջ 234:

ՍՈՒՐԵՆ ԱԲՐԱՄԱՅՅԱՆ

Մեկ այդ ազգն է քարի վրա,
մեկ այդ քարն է ազգի մեջքին,
թափակիւմ են գիլ ու գլոր՝
ձեռ առնելով ժամանակին¹:

Ժամանակն, ուրեմն, սպեղանի է, որ արեգակի պտույտի հետ,
քարի ծանրությունն է տանում մեջքին՝ որպես ճակատագրի ծան-
րություն: Անսահման մի լեռ է անունը ճակատագրի, մի Արարատ,
որի դեմ արձանանում է բանաստեղծը՝ ոչ մի հնչյուն և բար չատելով
և ուզում է նրա պես լինել մեծահոգի, ներել նրա պես, ովքեր իրենց
չչին ցավերին են խառնել լեռան անունը («Անսահման լեռը»): Եվ իր
այս հավատին հավատարիմ, իր տառապանքը զատելով նրանից,
ասես իրենից է զատում, որ խոսք չէ, այլ հավատ և ժախտի պես է
ծառկում: Նոյն արյունն է հոսում բանաստեղծի և Լեռան երակալե-
րուա: Բանաստեղծը չի ուզում սակայն լինել նրա մարգարեն, քանի
որ դեմքը նրա՝ «մարգարեների դեմքեր են քարե», միտքը՝ «մարգա-
րեական խոկում ներհում» և նրա դոյրոյում կարող է կորչել ամեն
մարգարե («Անսահման լեռը»): Բանաստեղծը ծովվում է միայն նրա
պատարագին, լսում վիհերն ի վար լցված նախնիների հազարամ-
յա արձագանքը: Եվ ամեն լեռան գիշին՝ մի օյուղ ծվարած, օյուղի
գիշին՝ կանթեղ, ասես ժայռերից կախված զանգակներ են պատա-
րագում, որի ծայլն է լսում բանաստեղծը: Կարծես հայոց աշխարհին
այսպես, իր գմբեթներով բազում, ոչ թե աշխարհ, այլ աշխարհ-ե-
կեղեցի է («Հայոց աշխարհ-եկեղեցի»), որի ծորերից ելում են հայ
աստվածները բարձունքներն ի վեր Հայոց լեռների՝ սուրբ ծննդոցի
երգեր երգելով՝ բերելու մեղեդին Մանկան Հրճվանքի («Ամանորյա
հեքիաթ»): Ահա ինչու Դավոյանը, տրվելով մեղեդու կանչին, դի-
մում է լեռների վեհությանը, մեղմությանը հովհտների, որ իրեն տան
«միայն այն, որ կոչվում է ՄիւՅն ԱՅՆ» («Օ՛, լեռների վեհություն»),
որ տեսիլը է երգի, հիմնը ճշմարտության:

Սակայն հեքիաթը կրկին ընդհատվում է միջավանշներով, որ թե
«Տաք սակեր» և թե «Պղնձե վարդ» ժողովածուներում երգի անկու-
մը չէ միայն, այլ, նոյն բանավեճի հիմքով, ոիթամի հավելուա, կարճ
վանկի, հանգի, ասոնանի շրջապատուստ: Եվ այստեղ, ուր ոիթամը գե-
րիշխում է, մեղեդին հենակներ է փնտրուա, երգը՝ «ծակ գուլպայի»
մրցանակը, որ երգի հուշը է լոկ խորիրդանշում: Ս. Աղաբաբյանն էր,
դեռ նախորդ դարում, անդրադառնալով Դավոյանի պոեզիայի նա-
խահիմքին, ասում էր, թե Դավոյանը «ոչ թե ռելիեֆների, այլ ներքին

¹ Նույնը, էջ 8:

զգայականության, անգամ մոնուողն ահազանգների բանաստեղծ է¹: Տեսիլը, երազը սակայն Դավիդյանի բանաստեղծական մտածողության մեջ ճանապարհ է դեպի անխառն-անարատ մանկական տարերքը, որը ամեն ինչ ենթակա է կյանքի հեքիաթի օրենքներին²: Տեսիլը, հետևաբար, Աղաբարյանի հավելմամբ, «մարդկության գոյության նախերգանըն է», «Նախնական արվեստի հատկանիշը»³: Նույնը վերահաստատում է նաև ժ. Քալանթարյանը, որի մեկնաբանությամբ տեսիլը Դավիդյանի պոեզիայում ծնվում է իրականության հակադրությունից⁴: Ուստի փոխակերպությունների միջոցով՝ Դավիդյանը կյանքի կյուրից վերստեղծում է իր կյանքի հեքիաթը՝ մալով կյանքի հողի վրա⁵: Տեսիլը գուգորդական բանաստեղծության նեցուկն է նաև, որը «ամեն մի երևույթ իր մեջ կրում է այլ երևույթի երևուումը»⁶: Սա, ըստ Եռլյան, Աղաբարյանի բնութագրությամբ, Նշանակում է երկու հորիզոնների հակադրություն, որոնցից մեկը «կյանքի ստորոտն էր, մյուսը՝ գագաթը, ավելի պարզեցրած՝ հողը ու երկինքը, ել ավելի պարզեցրած՝ սովորական անցուդարձն ու «կյանքի միջուկի» որոնումը», ինչը ժ. Քալանթարյանը վերասահմանեց՝ անվանելով «դեպի խորք երևյան», որ բարի քննության ոլորտն է:

Անշուշտ, Դավիդյանի պոեզիային այսպիսի հատկանիշների վերագրումը կարող էր պատմականության տեսանկյունից ունենալ հիմնավիրում, եթե չունենար հակասություններ պոետիկայի ընկալման առումնով: Ս. Աղաբարյանը Դավիդյանի զգացմունքների հեղող համարելով ընդգրկում, սպառնակից էր տեսնում զգացմունքի «եսթետացման» դրսւորման առումնով, մղջավանջների հոսքը անվանելով «մղջավանջների ապօթեռգ» (սրբացում), որ արտաքանական տեսության երևույթ է: Մինչեւ մղջավանջը պոեզիայի և երգի անհնարինության արտահայտությունն է, որ պայմանավորված չէ միայն մուսայի տեղատկությամբ, այլ բգկտված աշխարհի, սիրո բացակայության, մարդու անկատարության, գոյության անհաստատության, հետևաբար և՝ մեղեդու անհասանելիության գաղափարն է հիմնավիրում: Դրաման, որ ծնվում է բանաստեղծի հոգում,

1 Սուլեն Աղաբարյան, Դասականներ և ժամանակակիցներ, Երևան, 1986, էջ 447:

2 Սուլեն Աղաբարյան, 20-րդ դարի հայ գրականության գուգահեռականներում, Երևան, 1984:

3 Նույնը, էջ 384:

4 Ժենյա Քալանթարյան, Անդրադարձումներ, Երևան, 2003, էջ 105:

5 Սուլեն Աղաբարյան, 20-րդ դարի հայ գրականության գուգահեռականներում, Երևան, 1984, էջ 387:

6 Նույնը, էջ 386:

հողեղին է և երկնային, որ խոսքի ոլորտում տարանջատված չեն: Հետևաբար երգը տեսիլիք անունն է, տեսիլք՝ երգի, հողի և երկնքի արարշությունը: Կարելի է ասել նաև՝ երգը տեսիլք փոխակերպությունն է, տեսիլք՝ երգի և հերիաթի: Եվ մեկի անհնարինությունը մյուսի բացակայությունն է, չկան: Երգը, ուրեմն, լինելու, գոյության նախահիմքի արտահայտությունն է, որ միայն մշակույթը կարող է բացատրել: Ուստի մշակույթի բացակայությունը երգի վախճանն է, որ աշխարհի և գոյության մղձավանջը ծածկում է վարագույրի պես, և աշխարհը կուրանում է, մարդը ավերում աշխարհը: Պատահական չեն թերևս Դավոյանի այն երգերը, երբ վերինը, ինչպես երկրորդ Որդին, բանաստեղծի կանչով կարող է իշել երկիր, որից ծնվում է բանաստեղծի հարցուածը.

Ի՞նչ կլիներ, եթե Աստված

Երկու զավակ ունենար,

Մեկը երկինք կհամբարձվեր,

Մեկը մեզ մոտ կմնար¹:

Երկրորդ որդին, ինչպես Առաջինը, կախտահաներ մարդկանց հոգին և կկոչեր հավատի, Հոր խօսքերի պես լուսը սրտերի մեջ կկարկաչեր կրկին, հրաշքի հրճանքը կավետեինք սակայն փառհսեցիների պես («Երկրորդ Որդին»): Եվ հասկանալի կլիներ Դավոյանի պատօգամ՝ «Աստծոն նման խաղաղ պահիր քեզ, // աստծոն նման եղիր բարեսիրտ», այնուհետև՝ աստծոն նման գթառատ, որ հոգիներից չարի, աղծության արմատը հանվեր («Աստծոն նման...») և մարդիկ ել աշխարհը չեին ծաղկեցնի արյամբ («Մարդիկ աշխարհը ...»): Ուրեմն աշխարհը մեկ է (միանական է), ինչպես մեկ են հոգը և երկինքը, մարդը և ժամանակը, գոյությունն աշխարհի: Եվ բանաստեղծը մարդու և աշխարհի ամբողջացումն է երազում ոչ թե հակառելու վերինը Ներքանին (ստորին), այլ երգի մեղեդու միջոցով Ներդաշնակության հասնելու: Եսկ մղձավանջի և մշուշի մեջ, ուր անհնար է ապրել, մարդիկ կրակ են դնում ձեռքիդ, քացի տալիս այնպես, որ խելքացնուած է հիմարին: Անհնար է ուրեմն մարդկանց առաջ սիրտը բացել, հավատալ լրանց բառին, ուստի՝

Մայս ասում եր՝ հեռու մնա

առակախոս այդ էշերից,

մեկ ել տեսար իրենց կեղսը

կհավաքնեն քո փեշերից²:

1 Ռազմիկ Դավոյան, Պղնձե վարդ, Երևան, 1983, էջ 12:

2 Ռազմիկ Դավոյան, Տաք Սալեր, Երևան, 1978, էջ 107:

Իսկ պոետիկը մտել հանրախանության վաճառում են Երգերն իրենց, պատմությունները իրենց փոտած ու իին, հալվում գեղգեղասնքով, հաճախորդներ հրավիրում («Մղջավանջ - 4»): Եվ փշատեսին, ծառն այն մենակ, այդպէս կրանալով, հողի վրա անպաշտապան, ուժ չի ստանում հողից, որ Երգի, դառնա տուն, Երկիրն իր զորեղ, և չգիտի անգամ, թե ի՞նչ Երկրի ծառ է ինքը («Մղջավանջ - 6»): Այդպէս ել պոետը, քամիներից, մշուշներից փախչելով, օրերի տագնաապի միջով դառնում է տուն: Տունն այդ հայտնվել է հովտի միջում և «տանիքի միջովնրա/կապույտ մշուշն է կարկաչում» («Մղջավանջ - 8»): Ծակ գոլպայի ծայրից բռնած դուրս է քաշում բանաստեղծին մայրը («Մղջավանջ - 10»), իսկ հեռվում, գագաթին բարձր սոճու, կռռում է ագռավը իր սև թարշից, լեզվին նրա՝ գեշ բառերն են արարչի: Իմաստությունն է նա կրկռում «գեղեցկության ու Երգի դեմ» և թվում է՝ ագռավների Երկիր է սա, աղբանոցը տեր-արարչի, ուր հայտնվել է բանաստեղծը՝ աշխարհում տեսչայի ու ողբերգական («Մղջավանջ - 9»), ուր մայրերը իւերճ զավակներ են բերում՝ իրենց արգանդը օրինելով և անիծելով («Մղջավանջ - 10»):

Աշխարհը բզկտված է այսպէս, սահմաններով ճղված, ցողված արցունքներով, կմքված փշալարերով, և բանաստեղծը վկան է աշխարհի և ժամանակի: Երազում է նա «խաղաղ մի մարդկությունն», մի հրաշք՝ սահմանները վերանային, թեև չգիտի դրանից հետո «խելք գլխին մի բան // մնայթ էր հային» («Օ, բզկտված աշխարհ»): Այդպէս կիսված սրտով, հայրենիքի ճակատագրով կիսված, դառնում է նաև առաջալը՝ Վիլյամ Սարոյանը, հայրենի տուն, հայրենի հող, - և կոյր է, խոզ է աշխարհը, որ չի տեսնում, որ չի լսում: Եվ պիտի մնա այդպէս այնքան ժամանակ, մինչև որ կիսված սիրտը իր մյուս կեսը գտնի («Վիլյամ Սարոյանին»):

Բանաստեղծն ապրում է սակայն կորուատները հոգում հավաքելու տեսչով և ազդարարում:

Մենք արդարության ճորտն ենք հավերժ
Եվ ազևկության անհոյս գերին,
Կյանքն իրավունք է տախս նրանց՝
Պղտոր ջրերում ապրողներին:

Բայց հո չե՞ս կարող պարտադրեն
Ամեն ծնվողի, որ կոյր լինի.

Թե պիտի ապրենք ձկան նման՝
Գոնե թո՞ղ ջուրը մաքուր լինի¹:

Երգի պատճամն այսպես հորդում է, միախառնվում մեղեդու հորձանքին: Ինքնախարազանող, ինքն իրեն և մարդուն փնտրող դահիճ Է Դավիյանի պոեզիան, որ կրկին իր հանգրվանն է փնտրում, անկատար մարդու մրմունքը երգում խառնված բարի տանջանքին: Ուստի բառերը փոխակերպվում են պատկերների, պատկերները՝ հարահոս մեղեդու, հաջորդում իրար՝ ինչպես նարեկյան մեղեդու տագնապը, որ մարդու անկատարության կանչն է: Եվ տառապում է մարդը, ինչպես տառապում է նրա ճանապարհի երգը, մեղեդին.

Մեկն՝ իր ահրեյի ուժի պատճառով,
մեկն՝ անմիսիքար հուշի պատճառով,
մեկը՝ իր կճառ քթի պատճառով,
մեկելն՝ անիմաստ ստի պատճառով,
մեկն՝ իր գետնաքար բոյի պատճառով,
մեկելը՝ չարի գոյի պատճառով,
մեկն՝ իր քաշալի, կամ իր կույր աչքի,
մեկելն՝ իր ներսում արթնացող քաջքի,
մեկն՝ անմերձելի իր գեղեցկության,
մեկն՝ անմերձելի տգեղ անձկության.
մեկը՝ որ, ավաղ, հայրենիք չունի,
ոչ էլ փոխարեն՝ մի սիրտ գլչուիի.
մեկն էլ՝ որ ունի հայրենիք ու տուն,
սիրտը հայրենյաց ցավն է հոշոտում.
մեկը՝ անքանակ փողի պատճառով,
մեկելը՝ կորցրած հողի պատճառով,
մեկն՝ իր ոգեղեն, բիլ երազանքի,
մեկելն՝ իր դատարկ հոգու և գանգի.
մեկն՝ իր անհագուրդ փառասիրության,
մեկելը՝ ընավ չփնտրած փառքի²...

Բայց և այլպես, աշխարհը և մարդուն ճանաչելուց կամ փոխելուց առաջ, աեւոք է այն բացատրել, ինչը անում է բանաստեղծը: Երգի մեղեդին ահա այսպես է սփռում ձայնը ամենայնի, և ամենայնն է բանաստեղծի երգի ձայնի մեջ ծավալվում: Դավիյանը այսպես է հաղորդվում երգի ոգուն, ծավալում երգի մեղեդում բակը՝ բարի

1 Ռազմիկ Դավիյան, Պղնձե վարդ, Երևան 1983, էջ 230:

2 Նույնը, էջ 138-139:

ոգին, որ բանաստեղծության է փոխակերպվում: Ուստի այստեղ, ուր թողովայուն կա, մեղքի համար պատարագ պետք չէ,- կասեր երրայեցիներին ուղղված թուղթը: Բանաստեղծությունը, ուստի, թողի հայելին է, որ բացում է վարագույի միջով «իր մարմինը», որ խոսքի մեղեղին հոսի դեայի մարդը և՝ եթե կոյր է՝ տեսնի, եթե խոզ է՝ լիի, անկատարության տառապանքն իր ճանաչի, մաքրվի ախտից և ամբողջանա խոսքի արձագանքում, որ մարդու հողեղին ճակատագիրն է հաղորդում: Իսկ բանաստեղծը ընկալում է այն, փոխակերպում ձայնը վերին պատկերի՝ պատկերը՝ բանաստեղծության, որ, խոսքի ոլորտում, պոեզիան է, տեսիլքը բանաստեղծության:

- Ե -

Ռազմիկ Դավիյանի «Քարե բարձ» ժողովածուն, որ հրատարակեց 1989-ին, ստեղծագործական նոր շրջանի արտահայտություն էր, որ ներքին, օրգանական կապ ունի նախորդ շրջանի հետ, բայց, միաժամանակ, ի հայտ է բերում աշխարհայացքի և պոետիկայի նոր տեսանկյուն, որն առնչվում է գրապատմական պրոցեսի ներքին տեղաշարժին: Եվ թեև ժողովածուում ընդգրկված բանաստեղծությունները թվագրված են, որոնք գրվել են 80-ականների կետրին, ինչպիսին «Վայ, Հայկ Նահապետ», «Փոխակերպություններ» շարքերը, «Երևանյան աշում» պոեմը, «Ո՞ւր են մնացյալ դերասանները» չափածո ողբերգությունը, բայց ժողովածուում ընդգրկված են նաև նախորդ տառանախականերին գրված ստեղծագործություններ, որոնց թվագրությունը հասնում է մինչև 60-ական թվականները, որոնցից նշանակալիցը «Կեսօրին սկսում իմ օրը, երեկոյան նորից եմ սկսում» պոեմն է (1962), ուր, ինչպես ասում է Դավիյանը, «փոխանակ սկզբից սկսի, // սկսում է վերջից»¹: Այսինքն՝ փոխանակ առաջարան գրի, գրում է վերջաբան-վերշերզը՝ հրամցնելով այն որպես սկիզբ²: Պոեմն, ուստի, սկսվում է վերշերզով, ավարտվում նախերգանքով: Ինչո՞ւ: Որովհետև ժամանակի շրջապտույտը, որ շաղկապում է սկիզբը վերջին, վերջը՝ սկզբին, տարածություննը նրանով դառնում է աննշմար, պղնձածովյ, ասֆալտը մի փողոց, իսկ «ժամանակը մի գիշեր է» կամ «դարն է գիշեր» և «Ավարայրը ճակատամարտ է // դաշտ լինելուց բացի» (173): Գոյության խարիսխը, ուստի, ժամանակն է, որի մասին «հորինում ենք մի երգ՝ // մի պատմութ-

¹ Ռազմիկ Դավիյան, Քարե բարձ, Երևան, 1989, էջ 170 (այսուհետև այս ժողովածուից մեշքերումներ անելիս կնշենք տեքստում էշահամարը):

² Նույնը, էջ 120:

յում, մի ցավ փարատելու համար» (161): Տարածության փոխակերպումը ժամանակի, սակայն, փոխակերպում է իմաստը գոյի, ոչ թե առարկայի: Ուստի լսում է մարդը և աշխարհը դոփյունը վազող օրերի՝ սրարշավ և հաղթող, որ երգի ձայնն է «ժամանակի ձեռքին անդոր»: <Ետևաբար, երգի կորուստը կորուստն է ժամանակի, որ «քաշում է մեզ անդունդն այս աշխարհի» (162): Ուստի հարմարվելով կորցրածի ցավին, կորցրածի ետևից երբեք չհասելով, բանաստեղի աչքերը «հոգու խորաններն են մտնում» և հարցնում է՝ «ո՞ւ մնացին խառը ձայներով իի ականջներս» (165), որպեսզի նորից սկսի օրը, որի ամեն վայրկյանը ուզում է «երգելով սկսել», յինի կեսօր թե երեկո: Իսկ վերջաբանը հուշում է, որ ժամանակի ինչ-որ խորցում, հարահոս տարածության մեջ «նշմարում է, որ կար», որը «ինչ-որ տեղ սկիզբ էր կյանքում» (169), ինչ-որ «մութովուավող կետեր», ուր «քաղաքած են երազելերն իր անքում» (169): Իսկ ժամանակը, որ ապավեսն է կյանքի, որպես անսկիզբ և անվերջ մի հորիզոն, իշխում է մեր խոհերին, մտքին որպես տիրակալ մի ձեռք և «անդունդն է իր քաշում մեզ համար» (162): Անհասանելին այս, ժամանակը, որ վայրկյանների տևողությունն է կյանքի, երբ փոխատեղում է սկիզբը վերջի, հագենում է կորուստով, որ կորուստն է երգի և բանաստեղի շուրջին փոխակերպվում է կորուստների տեսչի, որ դրան առջև, ինչպես կյանքի դրան առջև, մուրացկանի նման կյանք մուրալով, նրա հնչյունը կրկնում է «բախտը իր հեգ ժողովրդի»: Մինչդեռ «երգի ինչ բոյրերի կարոտ, //ինչ տեսչանքների կայծկլտուամեր հանգան» (161) և «վաղը ինչ սիրո երգեր պիտի ծնվեն», որ մեր անցնող կյանքից, անցնող ժամանակից «մի պատառ վրցնեն»: Ուստի ժամանակի մասին երգը «անցյալ կորուսյալի» եներերգ է դառնում, որ վերջաբանի կարիք ունի, որի սկիզբը դարձի մեղեդին և սկսում, ուր անհնար է դառնալ ուստի ասում է.

Ժամանակը անցավ,

Այդ մենք է, որ անցանք,

Ժամանակը դարձավ,

Մենք չվերադարձամք¹:

Կամ՝

Եվ մեր անցնող կյանքից,

Անցնող ժամանակից ...

Պոկում, ո՞ւմ ենք տախի՝

Դարձյալ ժամանակին,

1 Նոյնը, Էջ 162:

Որ՝ իր շուրջին ժպիտ
Եվ մտրակը ձեռքին,
Թշում է մեզ դեպի
Քարայրները բոթի -
Եվ մենք կյանք ենք կոչում
Աղաղակը հոտի,
Եվ հավատ ենք ասում
Նրա լուռ հայացքին,
Որ խեղճ, ողորմագին,
Ուղղված է երկնի
Կապուտաչա դեմքին¹:

Ժամանակի Ներքին միասնության և պատմականության Դավոյանի ըմբռնումը պոեմի փիլիսոփայական Ներքին շերտերի, ապրումների հոսքերի միջև առնչությունների հարցադրում է արտահայտում, որ կարելի է վերլուծել ասվածի հակադրամիասնական ամբողջության շրջագծում: Բայց հավելեմ թերևս. «Կեսօրին սկսում օրը ...» պոեմը «Ոնքվիթեմի» նախերգանքն է և Ներքին միասնությունը, որ կա սկզբի և վերջի միջև, որքան ել հատված է ժամանակի կապով, Դավոյանի պոեգիայում վերջերգի իմաստն է համակարգում, որ, ուղղակի թե անոտղակի, մեկնարանում է պոետական շրջապտույտի ավարտը կամ, կարելի է ասել ամբողջացումը: 60-ականների սկզբից սկսած այն, առնչությունների և ազդեցությունների բախումներով բեռնավորված, 80-ականների վերջին հնչում է որպես 50-ականների վերջին ծևավորված դասական շրջանի վերջին հզոր ակորդը, որ ընարական շունչ, երգի ռիթմ, պոետական Ներքին բազմազանություն ունի: Ուստի սնանկ են նախորդ դարի ըննադատության բոլոր այն պլոտամերը, որոնք Դավոյանի պոեգիան մերք մեկուսացնում են, մերք նետում պարզամտորեն ընկալվող ավանդների ճահիճը: Դավոյանի ժողովածումների ստրուկտուրալ միասնությունը մերժում է յուրաքանչյուր մոտայնություն, ինչը դրվագ է իր հայեցությունից, թեև գուգորդական կապը Սնանկի և հետևակյան շրջանի պոեգիայի հետ ինչքան ուղեն կարելի է ծավալել: Բայց գուգահեռականությունը թերևս ժամանակի և գրապատմական ընթացքի կապերով է արտահայտված: Իսկ, ընդհանուր գծերով, գրական շարժման Ներքին ուղղվածությամբ, Դավոյանը «Քարե բարձ» ժողովածում պատմական նոր շերտեր է հավելում, որ կարելի է ընութագրել հենց վերջերգից նախերգի ընթացող սկզբի

¹ Նույնը, էջ 163:

և վերջի միասնությամբ, որի պատմականությունը արտահայտվում է հետուակայան շրջանի հայ պոեզիայում, որի ամենահարուստ երակը Դավիյանի քնարերգությունն է: Բայց, որպեսզի ամբողջական լինեմ, ասեմ, որ Դավիյանը բանաստեղծական իր սերնդի որոշումների համակարգում պատմական այլ դերակատարում ունի: Ուստի կրկնեմ. Դավիյանի պոեզիան սևական շրջանի դասական քնարերգության վերջին շրջապտոյսն է: Ինչը նշանակում է՝ նրանով ամբողջանում է նաև հետուակայան շրջանի քնարերգությունը: Դավիյանը, հետևաբար, որքան էլ առնչություններ ունի իր նախորդի հետ, ըստիհանուլը, որ նրանց միջև գծվում է, պոետիկայի ընկալիումն է: Իսկ աշխարհայեցության, բանաստեղծական հայացքի պատմական տեսանկյունը տարբեր է և հենց դրանով նոր, որ նախորդ դարի 60-80 - ականների հայ բանաստեղծությունը իր ներքին ճգնաժամը հաղթահարելու, արդիականության սահմանը հատելու թրիչը է կատարում: Հետևապես Դավիյանի պոեզիան նշանակալից է իր այսպիսի ընդգրկումներով: Այն է՝ մի կողմից հակադրվում է նախորդին իր աշխարհայեցության նորությամբ, պոեզիայի այևիսի ընկալմանը, որը սահմանում էր պոեզիայի և հայրենիքի պատմականության նովսականությունը, մյուս կողմից՝ ընդիմանում 60-ականների գեղագիտական հայեցությանը, մասնավորապես հովհաննեսգրիգորյանական անտիպոեզիայի, եղոյանական մետաֆորիզմի պոետիկայի ըմբռնումներին, որոնց ամբողջացումը տեղի ունեցավ ավելի ուշ՝ 70-ականներից մինչև դարավերջ: Ուրեմն, Դավիյանի պոեզիան ավարտի իր ամբողջությամբ նախորդ շրջանի աշխարհայեցության, սկզբի որոնման կապերով՝ արդի շրջանի պոետիկայի որոնումների համակարգում է: Այսինքն՝ նրանով ավարտվում է, բայց նրանով նաև սկզբնավորվում է նորը: Այլ հարց է սակայն, թե ինչքան է տևում նորի ընթացքին մասնակցությունը, որի ըննությունը արդի պոեզիայի պատմության ծևավորման հարց է: Եվ, թերևս, միայն կարելի է ասել, եթե Դավիյանին հակադրում են նախորդներին, նոյնին է, թե վերլուծել այն ներքին միասնությունը, որ կա նորագոյն հայ պոեզիայի պատմականության ըմբռնման հարցում: Նույնը չէ սակայն երկրորդ պարագայում, երբ Դավիյանի պոեզիան հակադրում են 60-ականներին, որովհետև այս դեպքում Դավիյանի գեղագիտությունը, հայացքն իրերի և աշխարհի հանդեպ այլ դիտանկյուն ունի, և միմյանց ժխտումը այն օրինաչափությունն է, որ ծևավորում է արդի պոեզիայի ներքին բազմազանութ-

յունը: Ուստի արդի շրջանի պոեզիայի սկզբնավորման ելակետը 60-ականների, ինչպես նաև ավելի ուշ հանդես եկած 80-ականների պոեզիան է, որի հետ Դավիյանի առնչությունը սկզբի միասնության մեջ է: Եվոյուցիան, ուստի, պատմության ձևավորման հոմնով, արդի պոեզիայի շրջանը հիմնում է ինչպես ժխտականության, այնպես էլ նորի հավելման փոխազդեցությամբ: Շարժումը, ուստի, Եվոյուցիայի ըմբռնման հոմնով, ձևավորում է Դավիյանի ժխտումը հանուն նորի՝ այն Է՝ 60-ականների պոեզիան:

Այնուամենային, դառնալով կրկին «Թարե բարձ» ժողովածուին, նշենք, որ անգամ այն փաստը, որ Դավիյանը, Զարենցի վերջին շրջանի պոեզիայի օրինաչափությամբ, թվագրում է բանաստեղծության և պոեմների տարեթվերը, ասես տեքստերի մեջ ներառում է այն գաղափարը, որ «Կեսօրին սկսում իմ օրը ...» պոեմից միևնէ «Ո՞ւ են մնացյալ դերասանները» միասնական ժամանակի շրջապտույտն է գծում ավարտի և սկզբի դրամայում: Առաջինում սկզբի արարում, ինքը՝ Դավիյանն է, որի քնարական կերպարը ժամանակի փոխակերպությունների դրաման է վերապրում, վերջերգում Զարենցը՝ կյանքի զրիասեղանի վերջին արարում, ուր բանտն է թե՝ բեմը և թե՝ իրականությունը, և բանաստեղծը իր վերջին պատգամներն է հյում երկրի տերերին արնացու, որդերին ճարպիկ, որոնք երկիրը ծածկելու չափ բազմացել են: Եվ երբ այլևս ոչինչ չեր մնացել մարդկային, բանաստեղծի կյանքը, իր ժողովորի հազարամյա դրոշն առած, վերածվում է պայքարի և վեճի, որ «կահաղանի միջև է ու գահի» (306):

Իհարկե, Դավիյանի պոեզիայում նոր չեր ի հայտ գալիս ստեղծագործող անհատի կերպարը: Նախորդ՝ «Պնդե վարդ» ժողովածուում Դավիյանը «Թորոս Ռոսլինի դատը» պոեմում կերպավորել էր Կիլիկիո շրջանի ծաղկողին և գրիշին: Ոչ միայն Ռոսլինի, այլև Կիլիկիո թագավորության շրջանի պայքարը Ռոսի սովորանի դեմ համահումը էր 80-ականների խորիրդային շրջանի ներքին-ազգային ավերածությունների դեմ պայքարին: Եվ բանաստեղծը՝ Դավիյանը, ինքը ևս մի ծաղկող-գրիչ, կերպավորելով Թորոսին, կերպավորում էր ժամանակը և իրեն: Ստեղծագործող անհատի կերպարը, ուստի, ինքնության պաշտպանության պայքար է մշակույթի միջոցով, որ քիչ կարևոր չէ նիզակների, արյան հեղման պայքարից: Բայց Ռոսլինի վեճը ուղղված է նաև ներքին օտարության, անազատության և ստրկության դեմ և նրա դաստը «արարման կործանման», «հաղթան

երկրի հայոթանակը ետ բաշխելու», ոգին զոհասեղանին հանձնելու ողբերգությունն է, որ, սկսած Հայկ Նահապետից, որպես մեր պատմության դաշը ճակատագիր, չի ավարտվում և չի լրում ծայնը Նրա ... Մշակույքի ճակատագիրը, ինչան նաև ստեղծողի ճակատագիրը, ահա ինչու իրեն ստեղծող ժողովորդի ճակատագիրն է, որ պատմությունը փոխակերպում է, վերածում ծայնի, ավելի ճիշտ՝ ծայնի պատկերի: Դավոյանի ընկալմամբ ուստի ժամանակը միանական է, որ փոխակերպվում է ճանապարհի պատկերի և թռչում է «լուսի և մուգի շերտերի միջով»: Իսկ ինքը չի շտապում այլևս, խելահեր չի վազում առաջ, որ կյանքի բոլոր եշերը թերթի: Ճանապարհին անցնում է անկումների և կորուատների միջով, իսկ ինքը անշարժ, նստել է տեղում և ինքն էլ փոխակերպվում է **Ճանապարհի**.

իսկ ճանապարհը իմ ես-ն է, որ կա,

նա պիտի թռչի,

ես պիտի խոկամ,

նա պիտի փորձի

սպառել անձս,

ոգիս ու կամքս. -

ես պիտի տոկամ,

պիտի դիմանամ ամեն տանշանքի,

որ կարողանամ մի փոքրիկ անկյուն,

պահպանել թաքում¹...

Շարժումը ինըն իր պատկերի հայելին է, որ փոխակերպությամբ, պատմության խորքից ճգվող ճանապարհ է: Եվ Նրա մյուս ծայրից ընդառաջ գալիս է իր նման մեկ ուրիշը, և Նրանք իրար տեսնում են հստակ («Ճանապարհը»): Վյոյան է ծովում իրար ճանապարհը ժամանակի սկիզբը և վերջը, որ, ասացինք, նոյն պատկերի հայելին է: Եվ դարերի խորքից «դուկս է լողում սերունդների պարսը ծիգ», նայում է երթը Նրանց «արարողի աշքն անթարթ» տիեզերքի զնդանում: Ուրախությունը սակայն բանաստեղծին տրվում է ինչպես պատկերի հայտնության ակնքարթ, երազանքի շողի պես, որ դպիկանում, դարերի խորքն է տանում կրկին («Ուրախությունն ինձ թվում է ակնթարթ»): Եվ մարդիկ, աղավնիների նման, ելսում, գտնում են իրար, ներսուղկում կրկին մենության իրենց բնի մեջ և «միտքը հագնում է գազանի պատկեր», «բույնը դարձնում որց» («Աղավնիների նման»):

Այս պատմությունը սակայն մեռնող մեղեդու, նախասկզբից

¹ Նույնը, էջ 99:

օտարվող, ինքն իր ճանապարհը ժխտող պատմություն է, որ կարող է բանաստեղծի շուրջին «խաղաղության օվաննա» հնչել, որովհետև, ինչպես ասում է Դավիյանը, «կյանքը մանուկ է մի հրաշայի», որ, կաչելով քարին, կարող է փոխակերպվել երգի («Կյանքը մանուկ է ...»): Մինչդեռ պատմությունը, որ ճանապարհի անունն է, ճանապարհը՝ երգի, փոխակերպվում է ոճիրների և արյան քաղցի, մեղսավիրության հորդող ջրհեղեղի: Դեռ «Տաք սալերում» եր Դավիյան ասում՝ մարդը բոլորն է բնության ոգու, որ շեղվել է բնության ճամփից («Կան անթիվ աստղեր»): Այդպես, կյուրիշ սանդուղքով բարձրանալով վեր, ճշմարտությունը թռողներով ներթևում, լքելով նախաստեղծ արարչության ոգին, արդարության նժարի վրա այժմ կարտոֆիլ կամ կաղամբ մարսած իր ստամիքսն է դնում, և, ինչպես անպետք մի իր խորհանոցում լրված, անթիվ անպատասխան հարցերի պատասխանն է փնտրում («Խաղաղության օվաննա»): Իսկ պատմությունն այս կարող էր լինել մարդու աշխարհ գալու և կոչումի մասին, որ, ինչ-որ մեկի թերև ձեռքով փոխարինվել է ուրիշ կոչումներով, որոնց ծափակարում են լեղապատար: Չի հագենում սակայն մարդու միտքը արյունաբրու, զոհեր է փնտրում երախը բաց և կանգ չի առնում հեղեղ դարձյալ, որի արձագանքը համուած է մյուս սերունդներին: Իսկ դժիգը արդեն ինը պարունակ չունի, այլ «ինև անգամ ինը հարյուր պարունակ», ուր դևն է կառավարում դիվային իր խղճով՝ անպարտելի և գոհ: Թուքը և թաթար, նախճիր, իր ժողովուրդը՝ զոհ. սակայն բանաստեղծը ուզում է մաքրել դրախտը նախաստեղծ գոյի և հարցնում է՝ մա՞րդն է այն շտեմարանը, որ տանելով ցավերն այս անողորմ, դեմքին նրա՝ անհուառյան հատորներ գրված, գրպահի մեջ հաշվում է դրամները տեսդով, բայց օժտված է նաև շնորհով աստվածատուր: Իսկ նման մի պատմությունն պատմելու համար, ինչպես հավելում է Դավիյանը, հարկավոր է՝ ինքն իրենով լինի, քննի սաղմը գոյության, եթե հարկ է՝ փողոսկրեա աշտարակ շինի, դառնա ակունքներին գոլալ՝ մաքրելու աշխարհը ախտից, ոչ թե պահապան դառնա արյան քարանձավի, այլ խղճի դրսերը բանա: Եվ այսպես դիմելով խղճի տերերին, հավելում է.

Օ՛, դուք, խղճի տերեր, դարձեք ծառա խղճին,

մաքրեք ձեր աշխարհը տեսչանքներից ազահ. -

այս է հայիս հիջը և փափազը վերջին,

իմ ժողովուրդն ամբողջ տեղով խղճ է ու կա¹:

Նրանք՝ տերերը, հայրենիք չունեն սակայն: Դավիյանը «Ո՞րն է

¹ Նույնը, էջ 26:

ձեր քաղաքքը» բանաստեղծության մեջ եւս է կանչում պետերին, մի-նխստ այրերին, որոնք չգիտեն՝ «ի՞նչ ունի են քամում» կամ «ի՞նչ արծաթ են մանում երազների ցավից» (36) և հորդորում է՝ դառնան հողին, տեր կանգնեն երկրին, տանը հայրենի, սեր ու ցավին դարի և ապրեն մարդավարի, ի վերուստ տրված խորհրդով իմաստության։ Ճակատագիրը, միևնույն է, անզոր է փրկել մահից թե՛ զոհին և թե՛ դահիճին։ Ամայր հրեղեն իր նետն արձակում և տանում է իր հեռում և՛ քննապետին, և՛ զոհին։ Եվ որքան էլ ամբարտակներ շարի մարդը, աղերսի՝ ամայր նետն իր չարձարկի, հրաբուխները լրեն ահից, ոչ մի փրկություն չկա, ճակատագիրն իր վճիռը կարձակի։

... Ես տեսա՝ կյանքը ինչպես ավարտեց

այս մեծ աշխարհի մի մեծ տիրակալ՝

Վերևում մի ամա իր աչքը թարթեց,

Ներքեսում մի սիրտ բոցեց ու հանգավ¹։

Այնպես որ, «լուսած այերան է, որքան տեսնում ենք, և մտքի մեջ կա», - ասում է Դավիյանը։ Ուստի այստեղ, ուր թափանցում է մտքի նետը, ճեղքում է մոլքը։ Մարդը սակայն միտքն իր դնում է կյանքի դեմ, ճգնում է զոյլ իմաստը բացել։ Միայն լուսն է անճեղքելի, որովհետև մարդը ծնվում է լուսից և երգից, կյանքի և մահվան հետ մեկտեղվում, դարմանում վերքը կյանքի ցավերի («Այնտեղ, ուր մտքի նետը թափանցեց»), հետևաբար՝

Ճեղքված աստոմը էլչի միանա,

ճեղքված կարոտը չի կաշի կրկին,

ճեղքված հավատը պիտի մահանա

ճեղք տված սիրո անյումը գրկին. -

բայց անճեղք լուսը՝ իրու մանանա,

կիշնի մեր հոգու ճեղքվող երգին²։

Անեղյունն է ուստի հավերժության դեմ, կյանքը՝ ցավ համայն։ Եվ անունն է միայն, որ կրում ենք, այսքանը միայն («Անեղյունն է միայն...»)։ Գտնող-կորցնողի այս ճանապարհը հավերժ է միշտ («Գտնող-կորցնողը»), որ մերք կախարդական մի նվագ է լսում վերից՝ խառնվելով կյանքի աղտ ու աղարտին («Կախարդական մի նվագ...») և բնության զավակն է իրեն կարծում, նրա իմաստուն ոգին, որ թողել օրենքը վերին, ապրում է երկրի բիրտ օրենքով, բողոքներ հղում վեր, երազում ապրել, թաղվել նրա օդի մեջ և նրա հողում («Իմ բարեկամներ»)։ Ահա ինչու կյանքն այս խոհուն բա-

1 Նույնը, էջ 34:

2 Նույնը, էջ 70:

նաստեղին երեք բանալի տվեց, որ մեկով մտքի դրվերը բացի, սակայն անծայր է ծովը մտքի: Երկրորդ բանալին սիրո դուռը բացեց, երրորդը բացեց դուռը ցավի, ուր, ասում է՝ «ցավի խորջում անդարձ մնացի» («Կյանքն ինձ երեք բանալի տվեց»): Բանալին սակայն ընկած է մուգի ընդերքում, ուր խավարի ջրվեժն է թափակում, ալիշվում հորձանքը մուգի և մի ջրհեղեղ նախապատմական փակել է դրսերը լուսի, հոգին խավարել («Լիիվ խավարում»): Իսկ բանաստեղծը ինչում է մի անծանոթ, անծանոթ հայացը և երազում է գրել այն բաները, որոնք դեռ գրված չեն: Իսկ ինչ որ լավն է, ասում է՝ իրենն է և հավելում իմ մասին է գրված («Խնջնահմայություն»): Բանաստեղծը, ինչպես ասում են, նայում է ներս, ամբողջովին իր մեջ է՝ գաղտնածածկ, հազար փակի ետև, և՝

օրերով դեպի այնտեղն եմ գնում,

որ իրական մի բան իմ մասին ճեզ բերեմ:

Իսկ այնտեղ-ը երազի անարահետ ուղի է, որ, եթե մազցենք նրա ճամփեքով վերև, կտեսնենք, թե «այս ինեւթ վազքը ու՞ր է բերել» («Ճեզ ուղիղն ասեմ»): Իսկ բանաստեղծը խոնարի տրտմությամբ, կյանքի աղտի մեջ բազում, եթե անգամ հեգնում են, կոչում խելամտություն, մի ապավեն ունի՝ երազը, և ասում է.

Ուզ կյանքս անցավ՝ որպես երազում,

և եթե, իրոք, մեխված եմ տեղում,

ապա՝ լոկ որպես երազանքի սյուն²...

Բանաստեղծն ուզում է ազատվել ցավերից հազարամյա մղձավանշի, դուրս քշել իր սիրատենչ հանգ ու վանկից ցասումը վրեժի և արյան կանչի, զարթնել ընից արևի պես, բայց զոհը ելուս է անապատի գորշ պատանքի մեջ փաթաթված, մեր մորթոսով երազը, կորած հոդերի մղձավանշն է բերում: Բայց երազի մեջ մեկը փսխսում, աննահանջ մի ոգի հոդերն է պահանջում, որ լինի ոչ թե կիսված, արյունոտ հոդ, այլ «լուսացիր մի Հայաստան» («Ես ուզում եմ ազատվել...»): Բանաստեղծության տեսն այսպես հայրենիքը երգի հետ մեկտեղում, ամբողջանում է մեղեղու հյուսվածքում: Դավոյանի նվազն, ուստի, Եափկական երգի գովսերով հարստանում, պատգամախոսության և խոստովանանքի նախշազարդերով է հագենում: Ոերվիեսի ինչերանգով ասես մեղեղին վեր է սլանում որպես հայոց պատմության վերջին արար և միմյանց են հաջորդում «Հայը», «Հայրենիքի դեմ կրիվ չկա», «Ղարաբաղ», «Թո վիշտը լեռ

1 Նույնը, էջ 44:

2 Նույնը, էջ 47:

Ե», որոնք 80-ականների հայ պոեզիայի գլուխգործոցներ են: Դարաբաղը՝ համայն հայության տեսչերի ոսկյա բանալի, ոգու զարդելումը շքեղ, որ ելավ հայի պատիվը պահելու, երբ հարձակվեց խուժանը վայրի մեր անգեն որդիների վրա, բայց չկոտրեց կամքը հայի, Նրա ոգին արդի: Վս բանաստեղծությունը՝ «Դարաբաղը», թվագրված է 88-ին, երբ ընած էինք խաղաղ արշալուսին... Կա կրիվ, ուրեմն, հանուն հայրենիքի, իսկ հայրենիքի դեմ կրիվ չկա. գրում է սա Դավոյանը մեծատառերով նույնանուն բանաստեղծության մեջ, որ փոխանունն է պատգամի: Իսկ «հեռվում տնքում է Լեռը»,- ասում է բանաստեղծը «Զօն վիշտը լեռ Ե» բանաստեղծության մեջ: Մի հազարամյա մանուկ կա Լեռան խորքում, ասես իր ներսում Աստված է թաղված: Շնչում է լեռը, և բանաստեղծը ականջ է դնում հառաջին Նրա, գլուխն իր ոլում է կրծքին, մտնում Ներս: Եվ լեռան ցավի հետ ելել-իշնելով, լեռն իր խորքից հանում թևերով, բարձրացնում է զագարը Լեռան, որ գագաթն է մեր վշտերի և հավելում .

- Իմ հայ ժողովուրո, մանուկ դարավոր,

Զո վիշտը լեռ Է անսահման ծովում,

և լեռան խորքում այդ խորհրդավոր

շղթայված ես դու թախիծով ծորում¹:

Իհարկե, ասեիթք թվում Ենոր չեւ երգիշներ, որ «չեն արծել իրենց շուրթերի անեծքով», հոգեհանգստի մեղեղիներից հանել են նաև վերածննիդ երգեր: Դավոյանի երգը հավելում է Նրանց իր ձայնը և «Հայր» բանաստեղծության մեջ կրկնում «այս պատմությանը բոլորն են տեղյակ // այս պատմությունը ամեն մարդ գիտի» ... Թռչում է հայը խավարի միջով, մերք երազանքով՝ գորգի վրա է թռչում, մերք ըմբուս՝ թռուկիկ Զայլյու վրա է թռչում, մերք որպես թռչուն, մերք՝ մրրիկ, շողարձակ կրակի նման, ինչը գրված է առասպելների գրում:

Պոետական այս գլուխգործոցը՝ «Հայր», պատմության Ներքին ընթացքի շարժումը, ոիթմը և աստիճանավորումն ունի: Ոիթմը և Ներքին չափը կրկնում ինընիրեն, հայի մաքառման ուժին ոչ թե պատմում է, ինչպես ասում է Դավոյանը, այլ վերապրում: Վերապրում է ոգեղեն սլաքը հայի հանճարի, որ պոետների սրտիկները հետ լուսի կարոտից շքառամեն, բախտը իրենց շխարանեն խոսքով թախճայի: Վյսպես գալիս է հանճարը հայի ժամանակների խորքից և որքան բանակներ ելնում, շուրթեր են կապում, որ Նրա ճամփան շեղեն, միտքը փրթեն, պատմությունից դեն շպրտեն, անունը ինեղ-դեն, հայր այս խավարում երբ ձայն է տալիս, լսում է Նրան աշխար-

¹ Նույնը, էջ 52:

հը, արձագանքում նրան սար ու ձոր: Եվ այդպես նա հաղթում է մահին, խավարում այս շողեր է որսում և սլանում է նետի պես սովորող, թռչում է որպես «մի ոգեղեն-հրեղեն թռչուն».

Թռչում է. դեպի իր դարն է թռչում,
դեպի իր Լեռան կատարն է թռչում,
դեպի իր կինը և մայրն է թռչում.-
լսում եմ նրա ծիծաղը հնչուն,
թափվում է շուրջ
Նրա հայացքի լուսը պաղպաջուն,
և ես ձայնում եմ հրճվանքի ճիշով
- Թռչում է հայր խավարի միջով¹ ...

Մերթ մեղմ է այսպես, մերթ սլացիկ Դավոյանի մեղեղին, ծովված երգին: Ահա ինչու երգի ճակատագրի միջով է նայում բանաստեղծը աշխարհին, մարդուն, խոսքի ոլորտում ամբողջանում: Չարդանախշը փոխակերպվում է պատկերի, որ ասես գծված է ձեռքով և ինքն իրեն է երգում, բուրում է կյանքի թախիծով, բառերով հմայում: Բանաստեղծն անգամ պատգամը, խոստովանությունը, սիրո մեղեղին այնպես է հյուսում, հոգու շերմությամբ չափում, քարո քարի հետ արյունով կապում, հյուսում է, ինչպես խաչն է հյուսում երգի հյուսվածքից, եկեղեցու քիվը կապում երգի բառերով («Ես ուզում էի ...»): Ուստի տեղին է իիշել Պողոս առաքյալի խոսքը ուղղված գաղատացիներին, որ խաչի պարծանքն է անում, ասելով՝ Նրանով (խաչով) «աշխարհը խաչուած է ինձ համար, ես ել աշխարհի համար» (6, 15): Իսկ Դավոյանի գրիշը հայոց աշխարհն է անվանում եկեղեցի և ուզում «բանաստեղծության պատը զարդարել // վանքի պատի պես» որ «զեզան բառերն այդ դարեր՝ // հոգու զանգերը տիեզերական», որ կախվել են զմբեթի տակ, զմբեթին նրա բառի սալեր են քաշել, նվիրել Փրկչին ... «իբրև հատուցում սքանչելի // այն բանաստեղծության, // որ մեր պապերը հավատակեզ // հյուսել են վանքի պատերը նրբին» («Ես ուզում էի»): Դավոյանն ահա ինչու «Քարե բարձում» այլևս բանավեճ չունի միւսայի, նրան լքողների, խամաճիկների և որբերի հետ: Բանաստեղծությունն ուստի ընկալում է հավատի, ոգու ընկալության կանչով, որ երկնքի ցողով թաթախված բառերի ոսկի է թափում, լեզուն բարբառում զանգերի նման եկեղեցու, որի արձագանքը աշխարհե-աշխարհ, սրտե-սիրտ է գնում և չի դադարում ազդարարել

տագնապը դարի,

¹ Նոյնը. Եջ 17:

ՍՈՒՐԵՆ ԱԳՐԱԿԱՄՅԱՆ

հավատը դարի,
արատը դարի՝
այսպիսի զնուն համոզվերությամբ,
որ տագնապ, արատ,
ցավ ու ցավագար
ուժատվեն լիկ, դառնան անկարող
մարդկային հոգին խսպառ խաթարել:

Հավատն, ուրեմն, այն տունն է, սրբատերին, որ Դավիյանը շարում է վանքի պատերի պես, բառը բարի հետ նժարում, բանաստեղծության պատին քանդակում պատկերը փոր, հավատարմության, արարում հավատի տունը, որ բանաստեղծի տունն է նաև՝ որպես հատուցում այն անհնարին ջանքի, որի մեջ կրակն է վառվում, հյուսում լուսը տանջանքի և ... չի սպառվում («Ես ուզում եի»):

Սա է իհձը Դավիյանի, որի բանաստեղծության նախերգը նախորդում է վերջերգին, ինչպես մեղեդին է նախորդում և լորում երգի մեջ: Ուստի լուսը՝ արարման ոգին, մտքի մեջ չի մեղնում բնավ, փախչում է անգամ իրեն տրորող բռունցքի միջից, բայց եթե հանկարծ մտքի մեջ մեղնի, չի ծագի այլևս երբեք («Թող լուսաբացը օրինված լինի»): Լուսն ահա ինչու լուսով է ողջանում, մուգը մթնով փակում ճամփան, զարևիում են իրար հանապազ երկու թշուն, և երկուսն են որսն են բանաստեղծի. Նրանց կրիվը հավերժական բանաստեղծի լյանըն է գծել և վախենում է, որ սկը հարթի, կուկ տաթշունը ծեր («Լուսն ինձ լուսով է ողջունում»): Այսպես է թերևս, որ բանաստեղծին մղում է խոստովանության.

Իմ ապրած լյանքից չի կարող ջնջել
ոչ մեկը ոչինչ՝
թե սպանված օր, թե սպանված սեր,
թե ապրած տանջանք.-
ամեն բան մուգ է գիշերվա նման,
ցերեկվա պես՝ ջինչ,
ամեն բան ցավ է, միաժամանակ
նաև անջանք²:

Բայց անրջանքը լուսի և մտքի թևով բանաստեղծին տանում է իր հետ, հողից անհունի ափերն են հանում, ուր այլևս ինքն ինքը չէ, այլ, ինչպես Թումանյանը կասեր, «տիեզերքի ընթերցողն է անմեկին», ում հոգուն տրված է անհունի հրճվանքով ապրե, անհունի

1 Նույնը, էջ 54:

2 Նույնը, էջ 138:

փայլով զարդարել, բացել ահեղ բացերն անչափի¹:

Բանաստեղի Ներքին փոխակերպությունն, անշուշտ, մետաֆիզիկական ճեղքում չի Ենթադրում, այլ Երազի հանգրվան է փնտրում, որ Թումանյանի «Ընթերցումը» ընկալում է որպես անխարդախ հոգու սլացում «սուլզվելու վերին սահմաններն արփի, // որ միտք է տվել Երևանեմ ու բաց», իսկ Դավիյանի Երազի հանգրվանը հոգու մեջ սուլզվելու, մթին ծալքերում նրա ճեղք բացելու երազանքն է և՝

Թվում է՝ կապույտ սկավառակ է
Երկինքը անծայր,
և ես պտտվող ասեղն եմ նրա,
ես պտտվում եմ,
և գրնաւում է մեր անմահության
երգն՝ արձանագիր կապույտի վրա²:

Թումանյանի «տիեզերքի ընթերցումը» աշխարհի միասնության, մարդուն՝ ամբողջական տեսնելու Երազանքն է նաև։ Այս ինչու բանաստեղի համար «չկա վեր ու ցած, տիեզերքն ամբողջ հայրենիք է ու տումն» իսկ ինքը՝ մի ազատ, անտարբեր կստված»³։ Իսկ Դավիյանի ընկալումը ժամանակի միասնության և փոխակերպության շրջապատճենի անհանգրվան անվերջությունն է, որ ծննդի և հայրության միաժամանակությունը (թերևս նաև՝ անժամանակությունը) նախասկզբի իր եռթյունը, ինքնությունն է փնտրում։ Եվ, իիմք ունենալով սա, ասում է՝ «լազորի աչքն է վրաս սավառնում» ու «հորս մեջ լուծված պտտվում եմ ես // և կամ ուշկամ մեռած հորս պես» («Խորհուրդ»)։ Ուստի հայր է ինքը և իր օպավակը միաժամանակ, որ «դեռ չի ծնվել աշխարհիս վրա», հայրն է իր հոր, պապն իր պապի, որ այդպես մենակ, զորավոր ձեռքով դառնում է «զդրավոր ու մեծ մի անպարտ բանակ» («Խորհուրդ»)։ Բայց, եթե ասում է միայնակ է ինքը, թերևս Հայրը՝ սկզբնավարողն է լինում միայնակ։ Իսկ Դավիյանը ճանապարհի միայնակ անցորդ չէ միայն։ ինըն է իր սկիզբը, իր վերջն իր սկիզբն է հատում... Ճանապարհն, ուստի, ինըն է, իր եսը, որ շարժվում է իր «քարեկամ բառերի հետ», նրանք «նախիրն են իր ցուկերի», ինքը՝ «քառերի ֆավնը հոտպիտ» («Զահն է կախված առաստաղից»)։ Երազներն իր եթե անզոր են ու մերժված, շրափուսում երկինքն է երևում, որ անցնող մեկի (ձերունու) հեգնա-

¹ Հովհաննես Թումանյան, ԵԼԺ, հ. 1, Երևան 2018, էջ 329:

² Ռազմիկ Դավիյան, Քարե բարձ, Երևան 1989, էջ 108:

³ Հովհաննես Թումանյան, ԵԼԺ, հ. 1, Երևան, 2018, էջ 329:

ՍՈՒՐԵՆ ԱԲՐԱՀԱՄՅԱՆ

Կան հարցին՝ «Վերջը երևու՞մ է», մի պատասխան թերևս ունի. իր պատկերը ևս լողով է ջրի հայելում («Ելք»): Դավոյանի բանաստեղծությունը ուստի գիտի մի ճանապարհ, որ տանում է դեպի երկինքն անանուն: Հարցն էլ բանաստեղծի՝ «ինչի՞ համար է տիեզերքն անհուն», իր իմաստն ունի.- անթիվ ճամփաներ է անցնում, բայց կոյք է տիեզերքի անհունը, չե՞ որ կարող է պատահել հանկարծ՝ «տիեզերքը չկա և աստղեր չկան», «արարիչն ինըն է ամեն բան սարքել» («Եվ մի՞թե մի օր»): Եվ ամեն վայրկյան բանաստեղծին խորհուրդն են տախս կրկին, որ նա չերազի, իրապաշտ մնա: Երազները սակայն, մեղեղու թևերով, իրենք են զայս, խառնվում բանաստեղծի գիշի մեջ և մեղեղին փոխակերպում է բանաստեղծի եսը, որ ես չե այլևս, այլ երգի հնչյուն, աստղեր բառերի, որ ցրիկ է տախս բանաստեղծը «ինչպես ծիծաղի թերթեր», որ ինըն է «լուսի հետ աշխարհ զա նորից» («Երբ համատարած մեւ եր երկինքը»): Ուստի «Վերջերգ» բանաստեղծության մեջ, ապավինույով կրկին երգին, ասում է՝

Այս ճամփից ոչ ոք ինձ են չի կանչի,
ողբ չի ցնից սիրոտ աշխարհի,
և ես չեմ ապրի տագնապ նահանջի
չի նվա հոգիս, որ ապաշխարի¹:

ՍՈՒՐԵՆ ԱԲՐԱՀԱՄՅԱՆ.- գիտական հետաքրքրությունների շրջանակը հայ նորագոյն գրականության, քննադասության և տեսության հարցերն են: Գիտական մամուլում հրապարակել է հայուրից ավելի հորվածներ, աշխատություններ և մենագրություն: Գիտական երկերի առաջին հատորը՝ «Տերսու և բնագիր», արժանացել է Նիկոլ Աղբայանի անվան մրցանակին գրականագիտության գծով:

SUREN ABRAHAMYAN: - RAZMIK DAVOYAN: BETWEEN THE END OF THE CLASSICAL PERIOD AND THE NEW: - In this article the author comments on Razmik Davoyan's poetry from the early stage ("My World" (1963) to the final stage of 1980-90s ("Copper Rose" (1983), "Stone Pillow" (1989)). The author studies the formation of the poetic system, the idea of poetic unity from the historical point of view and the perspective of wholeness of motion and progress, which is based on the course of the end of the classical period and the formation of the new one. From this research viewpoint, Davoyan's poetry is of great importance in contemporary Armenian poetry, which is the axis of the author's research.

¹ Ռազմիկ Դավոյան, Երևան, 1989, էջ 76:

Key words - Razmik Davoyan, song, melody, poem, beginning, movement, motion, polyphony, poetics, system.

СУРЕН АБРАМЯН: - РАЗМИК ДАВОЯН: МЕЖДУ КОНЦОМ КЛАССИЧЕСКОГО ПЕРИОДА И НОВЫМ: - В данной статье автор комментирует поэзию Размика Давояна, начиная с раннего этапа («Мой мир» (1963) и заканчивая завершающим этапом 1980-90-х годов («Медная роза» (1983), «Каменная подушка» (1989)). Автор рассматривает формирование поэтической системы, идеи поэтического единства с исторической точки зрения и перспективы цельности движения и прогресса, которая базируется на протяжении конца классического периода и формировании нового. С точки зрения этого исследования, поэзия Давояна имеет большое значение в современной армянской поэзии, что и является осью авторского исследования.

Ключевые слова - Размик Давоян, песня, мелодия, стихотворение, начало, движение, полифония, поэтика, система.

REFERENCES

1. Gasparyan D., Dgamanak ev shardgum, Yerevan, 1984(in Armenian).
2. Qalantaryan Dg., Andradarcner, Yerevav, 2003(in Armenian).
3. Paruir Sevak, Erker, ht. 3, Yerevan, 1983(in Armenian).
4. Gevorg Emin, Erker, ht. 3, Yerevan, 1986(in Armenian).
5. Vahan Teryan, Erker, ht. 2, Yerevan, 1961(in Armenian).
6. Razmik Davoyan, Stverneri migov, Yerevan, 1967(in Armenian).
7. Rolan Bart, Izbrannie raboti. Semiotika. Poetika, Moskva, 1989(in Russian).
8. Dgerar Dgenet, Figury, t. 1, Moskva, 1989(in Russian).
9. Andreev L. G., Impresionizm, Moskva, 1980(in Russian).
10. Razmik Davoyan, Yntir erker, Yerevan, 1987(in Armenian).
11. Razmik Davoyan, Pxndze vard, Yerevan, 1983(in Armenian)
12. Haideger M., Vremia I bitie, statyi I vistuplenia, Moskva, 1993(in Russian).
13. Umberto Eko, Otsutvuuchaia struktura, vvedenia v semiologiu, Sankt-Peterburg, 2004(in Armenian).
14. Razmik Davoyan, Reqviem, Yerevan, 1969(in Armenian).
15. Ruben Sevak, Erker, Yerevan, 1985(in Armenian).
16. Razmik Davoyan, Taq saler, Yerevan, 1978(in Armenian).
17. Razmik Davoyan, Qare barc, Yerevan, 1989(in Armenian).